

許用晦文集



據中國國家圖書館藏宋刻
本影印原書版框高二十·
一釐米寬十四·五釐米



許用晦文集目錄

許用晦文集目錄

第一卷

七言雜詩

凌敲臺

驪山

咸陽城東樓

京口閑居

傷李秀才

冬日登越王臺懷歸

對雪

送蕭處士

長安歲暮

與韓鄭二秀才同舟東下

贈高拾遺

答李秀才緘書

贈蕭兵曹

題舒女廟

姑孰官舍

送韋秀才

詩一

卧疾

送盧判官

夜泊永陽戍

緱山廟

秋日

翫鶴

貽二道者

杜少保池亭

秋日早朝

滄浪峽

登故洛陽城

聞釋子栖玄欲奉道

暮宿東溪

雲陽驛蓮池

題勸尊師山居

懷舊

寄高拾遺

哭虞將軍

韋隱居郊園

酬薛秀才見貽

別劉秀才

次天姥岑

遊李隱居西齋

春日郊園戲題



阮留一二遊侶

送楊秀才東歸

送郭秀才

送張尊師歸洞庭

寄李明府

再遊姑蘇玉芝觀

夜歸驛樓

題靈山寺行堅師院

題韋長史山居

贈李伊闕

重遊練湖懷舊

送靈樵上人不及

汴河亭

村舍二首

傷李郎中

鄭秀才東歸憑達家書

送僧歸靈巖寺

寄韋中丞

途經敷水

賀楊僕射致政

四皓廟

中秋翫月

贈張明府

題衛將軍廟

詩二首

訪韋隱居不值

送于明府

聽歌鷓鴣詞

題韋秀才院

松江有贈

送黃隱居歸南海

訓邢杜二員外

朝臺送客有懷

泛舟道中有懷

拜起居表回

題宿龍池

觀韋中丞夜按歌舞

下第貽友人

晚登龍門驛樓

寄桐江隱者

送宋處士

韶州夜讌

聞李相公移拜郴州

聽吹鷓鴣

秦樓曲

遊江令舊宅

灞上逢元處士

經丁補闕郊居

學仙二首

別張秀才

別表兄軍倅

題武丘寺僧院

酬郭少府見寄

經李氏莊

酬韋侍御

金谷園

送王總

南陽道中

陪崔大夫泛池二首

甘露寺感事

破北虜大和公主歸宮闕

郊居春日有懷

寄李定言

韶陽夜雨

陪崔公宴海榴堂

贈王山人

獻崔大夫

贈鄭處士

元正

傷衛尉李少卿

登尉佗樓

寄滕郎中

聞邊將劉昺受戮

詩文目錄

三

韶州驛樓宴罷

和王相公題書齋

留別趙端公

送盧先生重二首

哭楊攀處士

旌儒廟

寄宋次都

新興道中

有懷親友

寄蘇州同志

贈廬山人

西湖亭燕餞

留別李諷

酬潘秀才

獻崔相國

夜箔求樂有懷

鴻溝

重經四皓廟二首

郡齋夜坐

寄郡中文士

賀少師致政

楚宮怨二首

寄大梁劉尚書

題崔處士山居

燕李秀才

寄準上人

燕餞李貞外

漢水傷稼

晨起西樓

酬盧端公

經秦始皇墓

題楞伽寺

酬鄭端公

酬于中丞

早春郡樓書事

和杜侍御

重寄杜侍御

贈何處士

經段太尉廟

寄三川守劉公二首

酬錢汝州

送元晝上人二首

送陸拾遺

寄道玄上人

鷺鷥

夏日寄親友

寄陽凌處士

訪李隱居不遇

詩文集錄

四

寄崔大夫

寄潘秀才

贈虞押衙

陵陽春日

餞李明府

酬杜補闕

送僧南歸

送王明府

姑蘇懷古

金陵懷古

經李給事舊居

送張厚

別友人

送武處士

題義女亭

送李從事

送薛秀才

夜歸孤山寺

贈房明府

贈閑師

東遊留別李叢

題徐明府林館

送沈卓

客至

送段覺之

遇阮秀才

第二卷

雜詩

早秋三首

登延祚閣

題峽山寺四首

王居士

題郭別駕東堂

曉發鄞江

贈契盈上人

廣陵道中

過李給事宅

宿開元寺樓

送湯處士

發靈谿館

題杜居士

神女祠

送李子定言

別契真上人

潼關題驛軒

晨至南亭

詩十首錄

五

江樓夜別

題張司馬郊園

宿謝叟家

送魚思別處士歸有懷

塞上

送從兄歸隱藍谿一首

村舍

秋日赴闕

旅懷

重經姑蘇懷古

與首公讌集

吳門送客早發

送太昱禪師

嚴陵釣臺貽行侶

南樓春望

思歸

送無夢上人

閑居即事

題洛隱士

晚泊七里灘

觀發軍

次永濟渡

靈智寺江路行

題王隱士居

泊松江渡

赴慈和寺移宴

送林處士

晨裝

送李少府

別韋處士

送韋明府

九日登樟亭驛樓

贈蕭兵曹

留贈偃師主人

送張崔二侍御

傷朱慶餘先輩好直上人

放猿

將離郊園示弟姪

題韋隱居西齋

夜歸村舍

題青山

題孫處士山居二首

泛五雲溪

對菊懷別墅

秋日對竹

送李溟秀才西行

馬鎮西故第

重遊道玄上人院

詩三首錄

六

和李相國

泛谿

送惟素上人

書上宴別

別楊至之

洛東蘭若夜歸

尋戴處士

春日題村舍二首

途經李翰林墓

崇聖寺別楊至之

送段覺歸杜曲

寓居崇聖寺

晚發天井關

寄仲儀上人富春孫處士

喜遠書

懷江南同志

思天台

憶湖山居士

洛中秋日

贈蕭練師

送客還荆渚

潼關蘭若

燕狄公池亭

寄契盈上人

晨起二首

尋周練師不遇

洞靈觀冬青

送友人歸江東

翫殘雪

餞鄭裴二使

春泊弋陽

贈元孚上人

送崔先輩

別脩然上人

山鷄

送客江行

孤鴈

洛中游眺

長安旅夜

宿道玄上人院二首

題元處士幽居

送李秀才

懷自省上人

題倪處士舊居

贈梁將軍

春望思舊遊

病中

姑孰官舍寄友人

詩入目錄

七

恩德寺

宴李侍御宅

題葛洪井

鷓鴣

朗上人院晨坐

送客歸湘楚

過故交舊居

送客歸峽中

題冲沼上人院

和畢貞外見寄

春醉

題岫上人院

送客南歸

李生寄官入道

南隣避暑

至崇隱上人院

送韓校書

秋晚登城

酬鄭常侍

懿安皇太后挽歌詞

和喜雪

寄李相公

示弟

送宋秀才

送李別駕

兩河用兵貽友人

南亭偶題

登武丘山寺

靖恭里感事

南池夜話

送薛明府

游果晝二僧院

題官舍

訓先上人

曉過鬱林寺

尋道玄上人

題鬱林寺

題崇聖寺

贈高處士

送僧歸金山寺

金谷桃花

憶長洲

寄潘秀才

題鄒處士居

送僧歸山寺

新卜原上居

天街曉望

喜洛中親友繼至

詩文目錄

長安早春

寄劉三復

送客歸吳興

月夜期友人不至

不出院僧

寄袁都校書

贈柳璟校書

寄王秀才見訪

秋霽澶閼驛亭

送客歸蘭谿

貽終南山隱者

送李文明

送段覺

獻白尹

送從兄歸蜀川

送竇員司直出嶺

贈梁尊師

傷馮秀才

送鄭寂上人

贈王處士

送友人歸荆楚

遺篇

雜詩

送客歸江南

東陵赴京道病東歸

贈所知

聞宋由錫下世二首

謝人贈鞭

殘雪

早秋寄劉尚書

及第後春情

過三峽聞猿

夜汎松江

記夢

寄敬上人

客有卜居不遂

宿威宜觀

謝序送客

陳宮怨

卜居招書侶

送客南歸

聞歌

巫山草堂

贈隱者

寄僧無畫

詩目

九

寄小弟

秋日

征西舊卒

石池

贈裴處士

貽遷客

題李侍御書齋

行次白沙

紫藤

重哭楊攀處士二首

宿東橫山瀨

松山懷古

深春

江上燕別

贈僧

看雪

奉命和後池

歸蒲城墅居

重賦鷺鷥

塗中寒食

拾遺

雜詩

聞薛先輩看梅

題駱隱居二首

旅夜懷遠客

訪李隱居

卧病寄諸公

苦雨

懷李校書

秋日行次關西

酬殷堯藩

旅中別姪暉

喜魏扶見訪

喜李諤見訪

呈俊上人

行次虎頭巖酬路中丞

留別段兄弟

送薛明府赴任

許郢州惣叙

許用晦文集目錄終

雜詩

凌歊臺當塗縣西宋高祖築

宋祖凌高一作歌樂未回三千歌舞宿層臺
湘潭雲盡暮山出巴蜀雪消春水來
行殿有基荒蕪合寢園無主野棠開
百年便作百年計巖畔一作上古碑空綠苔

驪山

聞說先皇醉碧柅日華浮動一作艷鬱金袍
風隨玉輦笙歌迴雲捲珠簾劍佩高
鳳駕北歸山寂寂龍旗西幸水滔滔
蛾眉一作貴妃沒後逡巡少瓦落宮墻見野蒿

咸陽城東樓

用上
一上高城万里愁蒹葭楊柳似汀洲
溪雲初起日沉閣

山雨欲來風滿樓鳥下綠蕪秦苑夕
蟬鳴黃菜漢宮秋行人莫問當年事
故國東來渭水流一作行人莫問前朝事渭水寒光晝夜流

京口閑寄京洛友人

吳門煙月昔同遊楓葉蘆花並客舟
聚散有期雲北去浮沉無計水東流
一罇酒盡青山暮千里書回碧樹秋
何處相思不相見鳳城宮一作龍闕楚江樓

傷李秀才

曾醉笙歌日正遲醉中相送易一作預前期
橘花滿地人亡後菰菜連天鴈一作客過時
琴倚舊窻塵漠漠劍橫新塚草離離
河橋酒熟平生事更向東流莫一卮
冬日登越王臺懷歸

月沉高岫宿雲開，萬里歸心獨上來。
河畔雪飛楊子宅，海邊花盛越王臺。
瀧分桂嶺魚難過，瘴近衡峯鴈却回。
鄉信漸稀人漸老，只應頻看一作醉北枝梅。

對雪

雲度龍山暗綺城，先飛浙瀝引輕盈。
素娥冉冉拜瑤席，皓鶴紛紛朝玉京。
陰嶺有風梅艷散，寒林無月桂華清。
剡溪一醉十年事，忽憶棹回天未明。

送蕭處士歸緱嶺別業

醉斜烏帽髮如絲，曾看仙人一局碁。
賓館有魚為客久，鄉書無鴈到家遲。
緱山住近吹笙廟，湘水行逢鼓瑟祠。
今夜月明何處宿，九疑雲盡綠參差。

與韓鄭二秀才同舟東下洛中親友送至景

詠潭上

二

雲寺

三十六峯橫一作同一川，綠波無路草芊芊。
牛羊晚食鋪平地，鷓鴣晴飛磨遠天。
洛客盡回臨水寺，楚人皆逐下江船。
東西未有相逢日，更把繁華共醉眠。

長安歲暮

獨望天門倚劔歌，千時無計老關河。
一作每望青雲憶薛蘿長安九陌獨悲歌，東歸萬里慚張翰。
西上四年羞卞和，花暗楚城春醉少。
月涼秦塞夜愁多，三山歲歲有人去。
唯恐海風生白波。一作蓬瀛有路未知處
漲海悠悠空碧波。

贈茅山高拾遺

諫獵歸來綺季歌，大茅峯影滿一作入秋波。
山齋雨客

掃紅葉野艇送僧披綠莎長覆舊圖基勢盡遍添新品
藥名多雲中黃一作鴻鵠日千里自宿自飛無網羅

李秀才近自塗口遷居新安適在緘書見寬
悲戚因以此答

遠書開罷更依依晨坐高臺竟落暉顏巷雪深人已去
更樓花盛客初歸東堂望絕遷鷺起南國哀餘候鴈飛
今日勞君猶問許一官唯長故山薇

贈蕭兵曹

廣陵隄上昔離居帆轉瀟湘一作湖南萬里餘楚客病
時無鷓鴣鳥越鄉一作江歸處有鱸魚潮生水郭蒹葭響
雨過山城橘柚踈聞說携琴兼載酒邑人爭識一作公
伏羨馬相如

許渾

三

題舒女廟

山樂來迎去不言廟前高柳水禽喧綺羅無色雨侵帳
珠翠有聲風繞幡粧鏡尚疑山月滿寢屏猶認野花繁
孤舟夢斷行雲散何限離心寄曉猿

姑孰官舍

草生官舍似閑居雪照南窓滿素書貧後始知爲吏拙
病來偏喜識人踈青雲豈有窺梁燕濁水應無避釣魚
不待秋風便歸去紫陽山下是吾廬

凌歊臺送韋秀才

雲起高臺日未沉數村殘照半巖巖一作蘿陰野蟄成
桑柘盡溪鳥引鷁蒲稗深帆勢依依投極浦鍾聲杳杳
隔前林故山迢遞故人去一夜月明千里心

卧疾

寒牕燈盡月斜暉，珮馬朝天獨掩扉。
清露已凋秦塞柳，白雲空長越山微。
病中送客難爲別，夢裏還家不當歸。
唯有寄書書未得，卧聞燕鴈向南飛。

送嶺南盧判官罷職歸華陰山居

曾事劉琨鴈塞空，十年書劔似一併。
飄蓬東堂舊屈一作在，移山志南國新留。
煮海功還挂一帆，青草上更開三逕。
碧蓮中關西舊一作親友應，一作如相問已許滄浪伴釣翁。

將度故城湖阻風夜泊永陽戍

行盡清溪日已蹉，雲容山影水嵯峨。
樓前歸客怨秋夢，樓上美人凝夜歌。
獨樹高高風勢急，平湖渺渺月明多。

許渾上

四

終期一艇載樵去，來往使帆凌白波。

維山廟

王子求仙月滿臺，玉笙清轉鶴徘徊。
曲終飛去不知處，山下碧桃春自開。

秋日

琪樹西風華簟秋，楚雲湘月憶同遊。
高歌一曲掩明鏡，昨日少年今白頭。

鄭侍御廳詠鶴

碧天飛下舞晴莎，金閣瑤池絕網羅。
巖響數聲風滿樹，岸移孤影雪凌波。
維山去遠雲霄迥，遼海歸遲歲月多。
雙翅亦開千萬里，祇應棲隱戀喬柯。

南庭夜坐貽開元禪定精舍二道者

暮暮焚香何處宿西巖一室映疎藤光陰難駐跡如客
寒暑不驚心是僧高樹有風聞夜磬遠山無月見秋燈
身閑境靜日爲樂若問其餘非我能

朱坡故少保杜公池亭

杜陵池榭綺城東孤島回汀路不窮高岫乍疑三峽近
遠波初似五湖通楸梧葉暗瀟瀟雨菱荇花香淡淡風
還有昔時一作年巢窠在飛來飛去畫堂中一作空

秋日早朝

宵衣應待絕更籌環珮鏘鏘月下樓井轉轆轤千樹曉
鎖開闔闔萬山秋龍旗盡列趨金殿雉扇纒纒分拜玉旒
虛戴鐵冠無一事滄江歸去老漁舟一作滄浪歸老釣
魚舟

用上

五

滄浪峽

纓帶流塵髮半霜獨尋殘月下滄浪一聲溪鳥暗雲散
萬片野花春水香昔日未知方外樂暮年初信夢中忙
紅蝦青蚱紫芹脆歸去不辭來路長

登故洛陽城

禾黍離離半野蒿昔人城在豈知勞水聲東去市朝變
山勢北來宮殿高鷄噪暮雲歸古堞鴈迷寒雨下空壕
可憐絳嶺登仙子猶一作獨自吹笙醉碧桃

聞釋子栖玄欲奉道因寄

欲求真訣戀禪局羽披方袍盡有情仙骨本微靈鶴遠
法心潛動毒龍驚三山未有偷樵計四海初傳問菊名
今日勸師師莫惑長生難學一作不以證無生

南海府罷南康阻淺行侶稍稍登陸主人燕
餞至頻暮宿東溪

晴灘水落漲虛砂灘去秦吳萬里賒一作斜馬上折殘
江北柳舟中開盡嶺南花離歌漸怨如留客歸夢初驚
似到一作別家山鳥一轂人未起半牀春月在天涯

秋晚雲陽驛西亭蓮池

心憶蓮塘秉燭遊葉殘花敗尚維舟煙開翠扇清風曉
水泛紅衣白露秋神女暫來雲易散仙娥初去月難留
空懷遠道無持贈醉倚西欄盡日愁

題勤尊師歷陽山居并序

師即思齊之孫頃爲故相國蕭公錄用相國致政尊師
亦自邊將入道因贈是詩

許渾

六

二十知兵在羽林中年潛識子房心蒼鷹出塞胡塵滅
一作靜白鶴還鄉楚水深春垞酒瓶浮一作兼藥氣晚
攜碁局帶一作就松陰鷄籠山上雲多處自斲黃精不
一作莫可尋

懷舊居

兵馬一篋老無功故國郊扉在夢中藤蔓覆梨張谷暗
草花侵菊庾園空朱門跡忝登龍客白屋心期失馬翁
楚水吳山何處是北窓殘月照屏風

祇命許昌自郊居移入公館秋日寄茅山高

拾遺

一笛迎風萬葉飛強攜刀筆換荷一作在衣潮寒水國
秋砧早月暗一作靜山城夜漏稀巖壑邊聞樵客過浦

深遙送釣童歸中年未識從軍樂虛近三茅望少微

哭虞將軍

白首從軍未有名近將孤劍到江城巴童戎火能番語
胡馬調多解漢行對雪夜窮黃石略望雲秋計一作筆
黑山程可憐身死家猶遠汴水東流無哭聲

晚自朝臺至韋隱居郊園

秋來鳧鴈下方塘繫馬朝臺步夕陽村逕遠山松葉滑
野門臨水稻花香雲連海氣琴書潤風帶潮聲枕簟涼
西去碯溪猶萬里可能垂白待文王

寓居開元精舍酬薛秀才見貽

知己蕭條信一作成陸沉戎陵扶疾卧西林苔荷風起
客室靜松桂月高僧院深清露下時傷旅鬢白雲歸處

許渾上

七

寄鄉心勞一作憐君詩思一作句猶相憶題在一作向
空齋夜夜吟一作日日吟

別劉秀才

三獻無功玉有瑕更攜書劍客天涯孤帆夜別瀟湘雨
廣陌春期鄩杜花燈照水螢千點滅棹驚灘鴈一行斜
関河萬里一作迢迢秋風急望見鄉山不到家

早發天台中巖寺度関嶺次天姥吟

來往天台天姥間欲求真訣駐衰顏星河半落巖前寺
雲霧初開嶺上関一作外丹壑樹多風浩浩碧溪苔淺
水潺潺可知劉阮逢人處行盡深山又是山

遊錢塘青山李隱居西齋

水隱西亭爲客開翠巖深處遍蒼一作青苔林間掃石

安碁局巖下分泉遞酒不罽蘭葉露光秋月上蘆花風起
夜潮來雲山遶屋猶嫌淺欲掉漁舟近釣臺

春日郊園戲題楊叔評事

十里蒹葭入薜蘿春風誰許暫鳴珂相如渴後狂還減
曼倩飢來語更多門枕碧溪冰浩耀檻齊青璋雪山差我
野橋沽酒茅簷醉誰羨紅樓一曲歌

晚自東郭回留一二游侶

鄉心迢遞宦情微吏散尋幽竟落暉林下草腥巢鷺宿
洞前雲濕雨龍歸鐘隨野艇回孤棹鼓絕山城掩半扉
今夜西齋好風月一瓢春酒莫相違

與鄭秀才叔姪會送楊秀才昆仲東歸

書劔功遲白髮新吳鄉仍送故鄉人阮公留客竹齋曉

許渾上

八

田氏到家荆樹春雪盡塞鴻南翥少風來胡馬北嘶頻
洞庭煙月如終老誰是長楊諫獵人

送鄭秀才游天台并序

余嘗與鄭秀才同翫朱審盡天台山圖秀才因游是山
題詩贈別焉

雲埋陰壑雪疑峯半壁天台已萬重人渡碧溪疑輟棹
僧歸蒼嶺似聞鐘暖眠鷓鴣晴難草高掛獼猴暮澗松
曾約共游今獨去赤城西面水溶溶

送張尊師歸洞庭

能琴道士洞庭西風滿歸帆路不迷對岸水花霜後淺
停簷山果雨來低杉松近晚移茶竈巖谷初寒蓋藥畦
他日相思兩行字無人知處武陵溪

移攝太平寄前李明府

病移一作多巖巖色稱閑身何處風光貫酒頻溪柳遶門
彭澤令野花連洞武陵人嬌歌自駐壺中景艷舞長留
海上春早晚高臺更同醉綠蘿如帳草如茵

再游姑蘇玉芝觀

高梧一葉下一作落秋初迢遞重廊舊寄一作重來說
居月過碧窓今夜酒雨昏紅壁去年書玉池露冷芙蓉
淺瓊樹風高一作金井煙分薜荔踈明日揚帆一作從
此扁舟更東去仙翁應笑爲鱸魚

夜歸驛樓

水晚雲秋山不窮自疑身在畫屏中孤舟移棹一江月
高閣捲簾千樹風窓下覆棊殘局在橘邊沽酒半壘空

許渾上

九

早炊香稻待鱸膾南渚未明尋釣翁

題靈山寺行堅師院

西巖一徑不通樵八十持盃未覺遙龍在石潭聞夜雨
鴈移沙渚見秋潮經函露濕文多一作皆暗香印風吹
字半一作欲銷應笑東歸又南去越山無路水迢迢

題韋長史山居即皎然舊寺

一宮唯買畫公堂但得身閑日自長琴曲少巖重勘譜
藥丸多忌更尋方溪浮箬葉添盃綠泉遶松根助一作
茗香明日鱖魚何處釣門前春水似滄浪

贈李伊闕并序

前伊闕李師晦侍御辭秩歸山過余所止醉圖二室於
屋壁亦招隱之旨也因而有贈焉

相履如飛不可尋一壺雙笈嶧陽琴舟橫野渡寒風急
門掩荒山夜雪深貧笑白駒無去意病慙黃鵠有歸心
雲間二室勞君畫水墨蒼蒼半壁陰

重游練湖懷舊并序

余嘗與故宋補闕次都秋夕游練湖南亭今復登賞怡
然有感因賦是詩

西風渺渺月連天同泛蘭舟未十年鴻鳥賦成人已沒
嘉魚詩在世空傳榮枯盡寄浮雲外哀樂猶驚逝水前
日暮長隄更回首一聲隣笛舊山川一作一聲蟬續一
聲蟬

乘月棹舟送大曆寺靈總上人不及

萬峯秋盡百泉清舊鑠禪扉在赤城楓浦客來煙未散

許軍二

竹窓僧去月猶明杯浮野渡魚龍遠錫響空山虎豹驚
一字不留何足訝白雲無路水無情

汴河亭

廣陵花盛帝東游先劈崑崙一作先劈黃河一派流百
二禁兵辭象闕三千宮女下龍舟疑雲鼓振星辰動拂
浪旗開日月浮四海義師歸有道迷樓還似一作何異
景陽樓

村舍二首

自翦青莎織雨衣南峯一作村南煙火是柴扉萊一作

山妻早報一作起蒸梨熟童子遙迎種豆歸魚下碧澗

當鏡躍鳥還青嶂拂屏飛花時未免人來往欲買嚴光
舊釣磯

尚平多累自歸一作休難一日身閑一作深居一日安
山逕有雲收獵網水門一作庭無月掛魚竿花間酒氣
春風遠竹裏棊聲夜雨寒三頃水田秋更熟北窓誰拂
舊塵冠

右二

鄭秀才東歸憑達家書

欲寄家書客未過閉門心遠洞庭波兩巖花落夜風急
一逕草荒春雨多愁泛楚江吟浩渺憶歸吳岫夢嵯峨
貧居不問應知處溪上閑船一作扁舟繫綠蘿

傷湖州李郎中

政成身歿共興哀鄉路兵戈旅櫬回城上暮雲疑鼓角

詩渾上

十一

海邊春草一作日閉池臺經年未葬佳人散昨日因齋
故吏來南北相逢皆掩泣一作欲過洞庭還倚棹白蘋
洲暖一作百花開

和友人送僧歸桂州靈巖寺

楚客送僧歸桂陽海門帆勢極瀟一作湘碧雲千里
暮愁合白雪一聲春思長柳絮擁堤添衲軟松花浮水
注瓶香南宗長老幾年別聞道半巖多點堂

淮陰阻風寄楚州韋中丞

垂釣京江欲白頭江魚堪釣却西游劉伶臺下稻花晚
韓信廟前楓葉秋淮月未明先倚檻海雲初起更維舟
河橋有酒無人醉獨上高城望庾樓

途經敷水

脩蛾顰翠倚柔桑遙謝春風白馬郎五夜有情隨暮雨
百年無節待秋霜重尋繡帶朱藤合更認羅裙碧草長
何處野花何處水萬峯流出一渠香

和人賀楊僕射致政

并序

祠部揚負外以僕射楊公拜官致仕舊府賓寮及門生
合燕申賀飲後書事因和呈

蓮府

一作龍閣

公卿拜後塵手持優詔挂朱輪從軍幕

下三千客聞禮庭中七十人錦帳麗詞推北巷畫堂清
樂掩南隣豈司王謝山陰會空叙流杯醉

一作向暮春

四皓廟

桂香松暖朝門開獨馮椒漿奠一杯素法欲興鴻已去
漢儲將廢鳳還來紫芝翳翳多青草白石蒼蒼蒼乎綠苔

詩渾七

十三

山下驛塵南窺路不知冠蓋幾人回

鶴林寺中秋夜翫月

待月東林月正圓廣庭無樹草無煙中秋雲盡

一作靜

出倉海半夜露寒當碧天輪影漸移金殿外鏡光猶掛

玉樓前莫辭遠曙慙慙望一壺西巖又隔年

南海府罷歸京口經大庾縣贈張明府

艘舡紅

一作旌

旆極天涯一劍從軍兩鬢華回日眼明

河畔草

一作柳

去時腸斷嶺頭花陶詩盡寫行過縣張

賦初成卧到家官滿知君有歸處姑蘇臺上

一作吳王

宮殿舊煙霞

題衛將軍廟

并序

將軍名迹陽羨人少習詩書學弓劍有武略二十七游

并汾間遇神堯皇帝始建義旗遂以勇藝進備行列洎擒竇建德逖時挾槍劍前突後翼太宗顧而奇之天下既定錄其功拜將軍宿衛以母老病且乞歸侍殘年辭旨哀激詔許之既而以孝敬睦閨門以然信居鄉里及卒邑人懷其賢廟宇荆溪之湄以平生弓甲懸東西廡下歲時祠祭頗福其土焉文士王敖撰碑辭實詳備惜乎國史闕書其人因題是詩于廟壁

武牢関下護龍旗挾槊

一作戟

彎弓馬上飛漢業未興

王霸在秦軍纜散魯連歸墳穿大澤埋金匱廟枕長溪挂鐵衣欲奠

一作甲

忠魂何處問葦花楓葉雨霏霏

訪別韋隱居不值

并序

余行至雙嵒溪訪韋隱居已榜舟詣開元寺水閣見送

用上

三

棹回已晚因題是詩畱別

犬吠雙嵒碧樹間主人朝出半開関湯師閣上畱詩一

作書

別杜叟橋邊載酒還櫟嶠炭煙

一作樵夫

晴過嶺

菱村漁火

一作父

夜移灣故鄉蕪沒兵戈後憑向溪南

買一山

送前東陽于明府由鄂渚歸故林

結束征車換黑貂灞西風雨正瀟瀟茂陵久病書千卷彭澤初歸酒一瓢帆背夕陽溢水闊棹經滄海甌山遥殷勤爲謝南溪客白首螢窓未見招

一作華門誰見招

聽歌鴈鴣詞

并序

余過陝州夜讌將罷妓人善歌鴈鴣者詞調清怨往往在耳因題是詩

南國多情多艷詞，鷓鴣清怨遠梁飛。甘棠城上客先醉，
苦竹嶺頭人未歸。響轉碧霄雲駐影，曲終清漏月沉輝。
山行水宿不知遠，猶夢玉釵金縷衣。

寄題華嚴寺韋秀才院

三百樓臺百丈峯，西崑高枕樹重重。晴攀翠竹一作葉
題詩滑，秋摘黃花釀酒醲。山殿日斜喧鳥雀，石潭波動
戲魚龍。今來故國遥相憶，月照千山半夜鍾。

戲代李協律松江有贈

蜀客操琴吳女歌，明珠十斛是天河。霜凝薜荔怯秋樹，
露滴芙蓉愁晚波。蘭浦遠鄉應解珮，柳堤殘月未鳴珂。
西樓沉醉不知散，潮落洞庭洲渚多。

送黃隱居歸南海

用上

古

瘴霧南邊久寄家，海中來往信流槎。林藏萬壑音弗多
殘筍樹，過猩猩。少落花深洞有雲，龍蛻骨半崑無草象。
生牙知君愛宿瓊峯，頂坐到三更見日華。

酬邢杜二員外并序

新安邢員外懷洛下舊居，新定杜員外思關中故里，各
蒙緘示，因寄是詩以酬。

雪帶東風洗畫屏，客星懸處聚文星。未歸嵩嶺暮雲一
作山碧，久別杜陵春草青。熊軾並驅因雀噪，隼旟齊駐
是鴻冥。豈知京洛舊親友，夢繞潺湲江上亭。

朝臺送客有懷

趙佗西拜已登壇，馬援南征土宇寬。越國舊無唐印綬，
蠻鄉今有漢衣冠。江雲帶日秋偏熱，海雨隨風夏亦寒。

嶺北歸人莫回首，芙蓉花楓葉萬重灘。

自楞伽寺晨起泛舟道中有懷

碧樹蒼蒼茂苑東，佳期迢遞路何窮。一聲山鳥曙雲外，萬點水螢秋草中。門掩竹齋微有月，棹移蘭渚淡無風。欲知此路堪惆悵，菱葉芙蓉花連故宮。

十二月拜起居表回

一章西奏拜仙曹，回馬天津北望勞。寒水欲春冰彩薄，曉山初霽雪峯高。樓形向日攢飛鳳，宮勢凌波壓抃螭。空鏤煙霞絕巡幸，周人誰識鬱金袍。

觀韋中丞夜按歌舞

夜按雙娃禁曲新，東西簫鼓接雲。一作華茵舞衫未換紅鈿濕歌扇，初移翠黛顰彩檻。燭煙光吐日，畫屏香霧

并上

五

暖疑春西樓月在，襄王醉十二山高不見人。

重游飛泉觀題故梁道士宿龍池

西巖泉落水，空寬靈物蜿蜒。黑處蟠松葉，正秋琴韻響。菱花初曉鏡光寒，雲開星月浮山殿。雨過風雷澆石壇，仙客不歸龍亦去。稻畦長滿此池乾。

下第貽友人

身在關西冢，洞庭夜寒歌苦燭。熒熒一作孤燭夜熒熒，人心高下月中桂。客思往來波上萍，馬氏識君眉最白。阮公留我眼長青，花前失意共寒落。莫遣東風吹酒醒。

晚登龍門驛樓

魚龍多處鑿門闈，萬古人知夏禹村。青瘴遠分從地斷，洪流高瀉自天來。風雲有路皆燒尾，波浪無程盡曝腮。

心感膺門身過此，阮山秋樹獨徘徊。

寄桐江隱者

潮去潮來洲渚春，山花如繡草如茵。
嚴陵臺下桐江水，解釣鱸魚能幾人。

送宋處士

賣藥修琴歸去遲，山風吹落桂花時。
世間甲子須臾過，一作事逢着仙人莫看棋。

韶州韶陽樓夜讌

待月西樓卷翠羅，玉杯瑤瑟近星河。
簾前碧樹窮秋密，窻外青山薄暮多。
鸚鵡未知狂客醉，鷓鴣先讓美人歌。
使君莫惜通宵飲，刀筆初從馬伏波。

聞昭州李相公移拜郴州因寄

并上

十六

詔移丞相木蘭舟，桂水潺湲嶺北流。
青漢夢歸雙闕曙，白雲吟過五湖秋。
恩生玉宸人先喜，道在金滕世不憂。
聞說公卿盡南望，甘棠花暖鳳池頭。

聽吹鷓鴣

金谷歌傳一國流，一作第一流鷓鴣清怨碧雲愁。
夜來省得曾聞處，萬里月明湘水流。

秦樓曲

秦女夢餘仙路遙，月窻風簟夜迢迢。
伴郎翠鳳雙飛去，三十六宮聞玉簫。

游江令舊宅

身沒南朝宅已荒，邑人猶賞舊風光。
芹根生菜石池淺，桐樹落花金井香。
帶暖山蜂巢盡閣，欲陰溪燕集書堂。

閑愁此地更西望一作回首潮浸臺城春草長

灞上逢元處士東歸

瘦馬頻嘶灞水寒灞南高處望長安何人更結王生襪
此客虛彈貢氏冠江上蟹螯沙渺渺塢中蝸殼雪漫漫
舊交已變一作盡新知少却伴漁師把釣竿

經故丁補闕郊居

死酬知己道終全波暖孤冰且自堅鵬上承塵才一日
鶴歸華表亦一作已千年風吹藥蔓迷樵逕水暗蘆花
失釣舡四尺孤墳何處是闔閭城外草連天

學仙

漢武迎仙紫禁秋玉笙瑤瑟祀崑丘年年望斷無消息
空閑玉城十二樓

許上

七

右一

心期仙謫意無窮彩畫雲車起壽宮聞有三山未知處
茂陵松柏滿西風

右二

別張秀才并序

余與張秀才同出關至陝府余取南道步落下張由北
路抵江東因幕中譙餞遂賦詩以別

不知何計寫離憂萬里山川半舊遊風卷暮沙和雪起
日融春水帶冰流凌晨客淚分東郭竟夕鄉心共北樓
青桂一枝年少事莫因鱸膾涉窮秋

別表兄軍倅并序

余祇命南海至廬陵逢表兄軍倅奉使南海別後却寄

是詩

盧橘花香拂釣磯佳人猶舞越羅衣三洲水淺魚來少
五嶺山高鴈到稀客路晚依紅樹宿鄉關暗望白雲歸
交親不念征南吏一作客昨夜風帆去似飛

題蘇州武丘寺僧院

暫引寒泉濯遠塵此生多是異鄉人荆溪夜雨花發疾
吳苑秋風月滿頻萬里高低門外路百年榮辱夢中身
世間誰似西林客一卧煙霞四十春

醜郭少府先奉使巡滂見寄兼呈裴明府

載書攜榼別池龍十幅輕帆處處通謝眺宅荒山翠裏
王敦城古月明中江村夜漲浮天水澤國秋生動地風
飽食鱸魚榜歸檝待君琴酒醉陶公

許文上

大

出永通門經李氏莊

飛軒危檻百花堂朝燕歌鍾暮已荒中散獄成琴自怨
步兵厨廢酒猶香風池宿鳥喧朱閣雨砌秋螢拂畫楹
力保山河家又慶祗應中令敵汾陽

醜康州韋侍御同年

桂檝美人歌木蘭西風娟娟露團團夜長曲盡意不盡
月在瀟湘洲渚寒

金谷園

三惑沉身是此園古藤荒草野一作暮禽喧二十四友
一朝盡愛妾墜樓何足言

送王總下第歸丹陽

秦橋心斷楚江湄繫馬春風酒一卮汴水月明東下疾

練塘花發北來遲，青蕪定沒安貧處。黃葉應催獻賦時，
憑寄家書為一作周回報舊居還有故人知。

南陽道中

月斜孤館傍村行，野店高低帶古城。離上曉花齋後落，
井邊秋葉社前生。飢烏索哺隨鷓鴣，乳犉慵歸望犢鳴。
荒草連天風動地，不知誰學武侯耕。

陪宣城大夫崔公泛後池兼北樓讌二首

陪泛芳池醉北樓，水花繁豔照膺舟。亭臺陰合樹初晝，
弦管韻高山欲秋。皆賀彌巖終選傳，自傷燕谷未逢鄒。
昔時恩遇今能否，一尉滄洲已白頭。

又一首

江上西來共鳥飛，翦荷浮泛似輕肥。王珣作吏公曾喜

并上

十九

劉表為邦客盡依，雲外軒窗通早景。風前簫鼓送殘暉，
宛陵行樂金陵住。遙對家山未憶歸。

甘露寺感事貽同志

雲蔽長安路更賒，猶隨漁艇老天涯。青山盡日尋黃絹，
滄海經年夢絳紗。雪憤有期心自壯，報恩無處髮先華。
東堂舊侶勤書劔，同出膺門是一家。

郊居春日有懷府中諸公并簡王兵曹

欲學漁翁釣艇新，濯纓猶惜九衢塵。花前更謝依劉客，
雪後空懷訪戴人。僧舍覆茶銷白日，市樓賒酒過青春。
一山桃李同時發，誰似東風不厭貧。

李定言自殿院銜命歸闕拜外郎俄遷右史

因寄

白筆南征變二毛越山愁瘴海驚濤繞歸龍尾含鷄舌
更立螭頭運一作吮兔毫闔闔欲開宮漏盡冕旒初坐
御香高吳中舊信一作友君先貴曾憶王祥與佩刀

早秋韶陽夜雨

宋玉含悽夢亦驚芙蓉山響一猿聲陰雲迎一作凝雨
枕先潤夜電引雷窸暫明暗惜水花飄廣檻遠愁風葉
下高城西歸萬里未千里應到故園春草生

將為南行陪尚書崔公宴海榴堂

朝燕華堂暮未休幾人偏得謝公留風傳鼓角霜侵戟
雲卷笙歌月上樓賓館盡開徐稚榻客帆空戀李膺舟
漫誇書劍無歸處水遠山長步步愁

贈王山人

許上

二十

貫酒携琴訪我頻始知城市有閑人君臣藥在寧憂病
子母錢成豈患貧年長每勞推甲子夜寒初共守庚申
近來聞說燒丹處玉洞桃花萬樹春

宣城崔大夫召聯句偶疾不獲赴因獻

心慕知音命自拘畫堂聞欲試吹竽茂陵罷酒慙中聖
漳浦題詩怯大巫鬢鬢幾年傷在藻羽毛終日羨棲梧
還愁旅棹空歸去楓葉荷花釣五湖

贈鄭處士

道傍年少莫矜誇心在重霄躋未華楊子可曾過北里
魯人何必敬東家寒雲曉散千峯雪暖雨晴開一徑花
且賣湖田釀春酒與君書劍是生涯

元正

高揭雞竿闕帝閣祥風微暖瑞雲屯千官共削姦臣跡
萬國初銜聖主恩宮殿雪花齊紫閣關河春色到青門
華夷一軌人方泰莫學論兵誤至尊

同韋少尹傷故衛尉李少卿

客醉更長樂未窮似知身世一霄空香街寶馬嘶殘月
暖閣佳人哭曉風未捲繡筵朱閣上已開塵席畫堂中
何須更賦山陽笛寒月沉西水向東

登尉佗樓

劉項持兵鹿未窮自乘黃屋島夷中南來作尉任賢勞
北向稱臣陸賈功簫鼓尚陳今世廟旌旗猶鎮昔時宮
越人未必知虞舜一奏薰弦萬古風

舟行早發廬陵郡郭寄滕郎中

并上

十一

楚客停桡太守知露凝丹葉自秋悲蟹螯只恐相如渴
鱸膾應防曼倩飢風捲曙雲飄角遠雨昏寒浪掛帆遲
離心更羨高齋夕巫峽花深醉玉卮

聞邊將劉臯無辜受戮

外監多假帝王尊威脅偏裨勢不存纔許誓忘安玉壘
已傷傳首動金門三千交裹寧無義五百人中必有恩
却賴漢庭多烈士至今猶自伏蒲輪

韶州驛樓宴罷

簷外千帆背夕陽歸心杳杳鬢蒼蒼嶺猿群宿夜山靜
沙鳥獨飛秋水涼露墮桂花碁局濕風吹荷葉酒瓶香
主人不醉下樓去月在南軒更漏長

和淮南王相公與賓僚同遊瓜洲別業題舊

書齋

碧油紅旆想青衿積雪窸前盡日吟巢鶴去時雲樹老
卧龍歸處石潭深道傍苦李猶垂實城外甘棠已布陰
賓御莫辭巖下醉武丁高枕待爲霖

留別趙端公并序

余行次鍾陵府中群公宴餞趙端公曉赴郡齋宿約余
來且整棹因留別

海門征棹越龍瀧暫寄華筵倒玉缸蕭鼓散時逢夜雨
綺羅分處下秋江孤帆已過滕王閣高揖留眠謝守窻
却願煙波阻風雪待君同拜碧油幢

送盧先輩自衡岳赴復州嘉禮二首

名振金閨步玉京暫留滄海見高情衆花盡處松千尺

并上

十一

群鳥喧時鶴一聲朱閣簾涼踈雨過碧溪船動早潮生
離心不異西江水直送征帆萬里行

右一

湘南詩客海中鵬雙翅垂雲不自矜秋水靜磨金鏡
土夜風寒結玉壺冰萬重嶺嶠辭衡岳千里山陂問竟
陵醉倚西樓人已遠柳溪無浪月澄澄

右二

哭楊攀處士

先生憂道樂清貧白髮終爲不仕身嵇阮沒來無酒客
應劉亡後少詩人山前月照孤墳曉溪上花開舊宅春
昨夜回舟更惆悵至今鍾磬滿南隣

旌儒廟

寒谷一作相陰風萬古悲儒冠相枕死秦時廟前亦有
商山路不學老翁歌紫芝

寄宋次都

朱檻煙霜夜坐勞美人南國舊同袍山長水遠無消息
瑗瑟一彈秋月高

新興道中

芙蓉村步失官金折獄無功不可尋初挂海帆逢歲暮
却開山館值春深波渾未辨魚龍跡霧暗寧知蚌鷓心
夜榜歸舟望渙火一溪風雨兩巖陰

下第有懷親友并序

余下第寓居杜陵親友間或登上第或遂閑居或抵湘
沅或游鄜時因杼長句

并上

十三

萬山晴雪九衢塵何處風光寄夢頻花盛庾園携酒客
草深顏巷讀書人征帆又過湘南月旅館還悲渭北春
無限別情多病後杜陵寥落在漳濱

宿望亭館寄蘇州一二同志

候館人稀夜自一作更長姑蘇城遠樹蒼蒼江湖潮一
作影落高樓迥河漢秋歸廣簟涼月轉碧梧移鵲影露
低紅葉濕螢光西園詩侶應多思莫醉笙歌掩畫堂

廬山人自巴蜀由湘潭歸弋山因贈

太一靈方鍊紫荷紫荷飛盡髮皤皤猿啼巫峽曉雲薄
鴈宿洞庭秋月多導引豈如桃李舞步虛寧比竹枝歌
華陽舊隱莫歸去水沒芝田生綠莎

潁州從事西湖亭讌餞

西湖清讌不知回一曲離歌酒一杯城帶夕陽聞鼓角
寺臨秋水見樓臺蘭堂客散蟬猶噪桂楫人稀鳥自來
獨想征車過鞏洛此中霜菊遶潭開

瓜洲留別李詡

泣玉三年一見君白衣顛顛更離群楊隄惜別春潮晚
花榭留歡夜漏分孤館宿時風帶雨遠帆歸處水連雲
悲歌曲盡莫重奏心遶関河不忍聞

余謝病東歸王秀才見寄今潘秀才南棹奉訓
酷似牢之玉不如落星山下白雲居春耕旋構金門策
夜學兼修玉府書風掃碧雲迎鷺鳥水還滄海養嘉魚
莫將年少輕時節王氏家風在石渠

獻韶陽相國崔公

牛上

十四

一匱為功極九層康莊猶自劔稜稜舟回北渚經年泊
門接東山盡日登萬國已聞傳玉璽百官猶望啓金滕
賢臣會致唐虞世獨倚江樓笑范曾

夜泊永樂有懷

蓮渚愁紅蕩碧波吳蛙齊唱採蓮歌橫塘一別千餘里
蘆葦蕭蕭風雨多

鴻溝

相持未定各為一作懷君秦政山河此地分力盡盡烏江
千載後古溝荒草起寒雲

重經四皓廟二首

我我商嶺採芝人雪頂霜鬚一作驍虎豹茵山酒一壺
歌一曲漢家天子忌一作志去音功臣

右一

避秦安漢出藍關松桂花陰滿舊山自是無人有歸意
白雲長在水潺潺

右二

郡齋夜坐寄舊鄉二姪

千官奉職袞龍垂
秣卧淮陽躡白裘
三月已乖棠樹政
二年空負竹林期
樓侵白浪風來遠
城掩丹巖日到遲
長欲挂帆君莫笑
越禽秋晚夢南枝

病間寄郡中文士

靈槓含花處處香
老人依舊卧清漳
心同客舍驚秋早
跡似僧齋厭夜長
風卷翠簾琴自響
露凝珠閣簾先涼
明朝欲醉文中彥
猶覺吟聲帶越鄉

并上

二五

賀少師相公致政并序

少師相公未及懸車之年三表乞罷將相徵於近代更
無比肩余受恩門館竊杼長句寄獻
六十懸車自古稀
我公年少獨忘機
門臨二室留侯隱
棹倚三川越相歸
不擬優游同陸賈
已回清白遺胡威
龍城鳳沼棠陰在
只恐冥鴻更北飛

楚宮怨二首

十二山晴花盡開
楚宮雙闕對陽臺
細腰爭舞君沉醉
白日秦兵江上來

右一

獵騎秋來在內稀
渚宮雲雨濕龍衣
騰騰戰鼓動城闕
江上一作射麋殊未歸

右二

中秋夕寄大梁劉尚書

汴人迎拜洛人留
虎豹旌旗擁碧油
刀斗嚴更軍耳目
戈鋌長控國咽喉
柳營出号風生燾
蓮幕題詩月上樓
應念散郎千里外
去年今夜醉膺舟

題桂處士山居

坐窮今古掩書堂
二頃湖田一半荒
荆樹有花兄弟樂
橘林無實子孫忙
龍歸曉洞雲猶濕
麝過春山草自香
向夜欲歸心萬里
故園松月更蒼蒼

疾後與郡中群公讌李秀才

強留嘉客讌王孫
巖上餘花落酒罇
書院欲開蟲網戶
訟庭猶掩雀羅門
耳虛盡日疑琴癖
眼暗經秋覺鏡昏

并上

二六

莫引劉安倚西楹
夜來紅葉下江村

晨起白雲樓寄龍興江準上人兼呈竇秀才

秀才方自竟陵回

茲樓今是望鄉臺
鄉信全稀曉鴈哀
山翠萬重當檻出
水華千里抱城來
東巖月在僧初起
南浦花殘客已回
欲弔靈均能去否
秋風還有木蘭開

讌餞李貞外并序

李群之貞外從事荆南尚書楊公詔徵赴關
俄為淮南相國杜公辟命自漢上舟行至此郡於白雲樓讌罷解纜阻風却回因贈

病守江城眼暫開
昔年吳越共街盃
膺舟出鎮虛陳榻
鄭履還京下隗臺
雲葉漸低朱閣掩
浪花初起畫檣回

心期解印同君醉九曲池西望月來

漢水傷稼并序

此郡雖自夏無雨江邊多穡油然可觀秋八月天清日
朗漢水泛溢人實爲災軫念疲羸因賦四韻

西北樓開四望通殘霞成綺月懸弓江村夜湧浮夫宇
澤國秋生動地風高下綠苗千頃盡新陳紅粟萬箱一
作教空才微分薄憂何益却欲回心學釣一作墨翁

晨起西樓

留情深處駐橫波歛翠疑紅一曲歌明月下樓人未散
共愁三逕是天河

酬江西盧端公藍口阻風見寄之什

又攜刀筆從膺舟藍口風高桂檝留還似郢中歌一曲

詩上

二步

夜來春雪照西樓

途經秦始皇墓

龍盤虎踞樹層層勢入浮雲亦是崩一種青山秋草裏
路人唯拜漢文陵

題楞伽寺

碧煙秋寺泛湖來水浸城根古堞摧盡日傷心人不見
石榴一作柿花滿一作發舊歌臺

酬副使鄭端公見寄

一日高名遍九州玄珠仍向道中求郢中白雪慙新唱
塗上青山憶舊遊端公頃在當塗縣青山別墅肄業余

嘗守邑日未見知也

笙磬有文終易別珠璣無價竟難

酬柳營身迢遞風江闊夜夜孤吟月下樓

詞綿州于中丞使君見寄

故人書信越褒斜，新意雖多舊約賒。皆就一麾先去國，共謀三逕未還家。荆巫夜隔巴西月，鄢郢春連漢上花。半月離居猶悵望，可堪垂白各天涯。

春早郡樓書事寄呈府中群公

兩鬢垂絲髮，半霜石城孤。夢繞襄陽鴛，幕裏蓮枝檻。虎豹營中柳，拂牆盡舸欲。行春水急翠簾初，捲暮山長峴。亭風起花千片，流入南湖盡日香。

酬和杜侍御并序

河中杜侍御祗命本府自鍾陵舟行抵漢上道出茲郡，以某專使迎接先蒙雅什見貽，竊慕清才，輒酬和。

花時曾省杜陵游，聞下書帷不舉頭。因過石城先訪戴

本上

二八

欲朝金闕暫依劉，征帆夜轉鷓鴣洲。一作嶠聘騎春辭

鶴雀樓正把新詩，望南浦棹歌應是木蘭舟。

酬河中杜侍御重寄

五色如絲下碧空，片帆還遶楚王宮。文章已變南山霧，羽翼應搏北海風。春雪預呈霜簡白，曉霞先染繡衣紅。十千沽酒留君醉，莫道歸心似轉蓬。

贈何處士

東別茹峯北去秦，梅仙書裏說真人。白頭主印青山下，雖遇唐生不敢親。

經故太尉段公廟

徒想追兵緩翠華，古碑一作城邊荒廟閉松花。紀生不尚榮陽死，豈有山河屬漢家。

寄獻三川守劉公并序

余奉陪三川守劉公讌言嘗蒙詢訪行止因話一麾之任冀成三廷之謀特蒙俯鑒丹誠尋許慰薦屬移居復道卧疾彌旬輒抒二章寄獻

三川歌頌徹成秦十二樓前侍從臣休閉玉籠留鸞鷲
早開金埒縱騏驎花采雅裊迎何客月在膺舟醉幾人
自笑一作歎東風過寒食茂陵素落未知春

右一

半年三度轉蓬居錦帳心闌羨隼隼老去自驚秦塞鴈
病來先憶楚江魚長聞李氏千金諾更望劉公一紙書
春雪未晴春酒貴莫教愁殺馬相如

右二

并序

二九

元處士自洛歸宛陵山居見示詹事相公餞行之什因贈

紫霄峯下絕韋編舊隱相如結襪前

元君舊隱廬山學

易常為相國師服

月落尚留東閣醉風高還憶北窓眠

江城夜別瀟瀟雨山檻晴歸漠漠煙一頃豆花三頃竹
不應拋擲釣魚船

酬錢汝州

并序

汝州錢中丞以渾赴郢城見寄佳什恩憐過等寵飾逾
深雖吟詠忘疲寶指模不及輒率荒淺依韻獻酬
白雪名隨漢水流漫勞旌旆晚悠悠笙歌暗寫終年恨
臺榭潛銷盡日憂鳥散落花人自醉馬嘶芳草客先愁
在來雅韻清庶敵三十六峯當庾樓

送元晝上人歸蘇州兼寄張厚二首

自小閑居荆水幽

一作頭

感時傷別思悠悠一罇酒盡

青山暮下

一作萬里

書回碧樹秋深卷之貧知一作長

寂寞小詩多病尚

一作也

風流晝公此去應相問爲說

沾巾

一作依

憶舊游

右一

二年無事客吳鄉南陌春園碧草長共醉八門回畫舸
獨還三徑掩書堂前山雨過池塘蒲小院秋歸枕簟涼
經歲別離心自苦何堪黃葉下清漳

右二

送陸拾遺東歸

獨振儒風

一作獨負才名

遇盛時紫泥初出

一作降世

詩上

三

人知文

一作封章

報主非無意書劔還家素有期秋一

作水

寺卧雲移棹晚暮江

一作江天

乘月落帆遲東歸

自是綠清興莫比商山詠紫芝

游溪夜回寄道玄上人

南郭煙光異世間碧桃紅杏水潺潺猿來近嶺獼猴散
魚下深潭翡翠閑猶阻晚風停柱楫欲乘春月訪松關
幾回策杖終難去洞口雲歸一作浮不見山

鷺鷥

西風澹澹水悠悠雪照絲飄帶雨愁何恨歸心倚前閣
綠蒲紅蓼練塘秋

夏日寄江上親友

雨過山前日未斜清蟬嘒嘒落槐花車輪南北已無限

江上故人纔到家

寄陽陵處士

舊隱青山紫桂陰一書迢遞寄歸心謝公樓上晚花盛
楊子宅前春草深吳岫雨來溪鳥浴楚江雲暗嶺猿吟
野人寧憶滄洲畔會待吹吁定至音

與張處士同訪李隱居不遇

千巖萬壑獨攜琴知在陵一作龍陽不可尋去轍已平
秋草遍寒一作空齋長掩暮雲深霜寒橡葉留一作霜
嚴枳橘供山鼠月冷菰蒲散水禽唯有西鄰張仲尉坐
來同愴別離心

閩州中有謫寄崔大夫兼簡邢群評事

簫管遙聞列翠蛾玉盃金液耀金波池邊雨過飄帷幕

并上

三

海上風來動綺羅顏子巷深青草遍庾君樓迥碧山多
甘心不及同年友卧聽行雲一曲歌

寄殷堯藩秀才

十載功一作聞名翰墨林為從知己信沉沉青山有雪
諳松生碧落無雲稱鶴心帶月獨歸蕭寺遠翫花頻醉
庾樓深思君一見如瓊樹空把新詩盡日吟

贈河東虞押衙二首永興公孫亦善書

長劍高歌換素衣君恩未報不言歸舊精一作工鳥篆
諳書體新授龍韜識戰機萬里往來正馬瘦十年離別
故人稀平生志氣何人見空上西樓望落暉

右一

吳門風水落萍流月滿花開懶獨游萬里山川分曉夢

四隣歌管送春愁，昔年顧我長青眼。今日逢君盡白頭。
莫向樽前更惆悵，古來投筆惣封侯。

右二

陵陽春日寄汝洛舊游

百年身世似飄蓬，澤國移家疊嶂中。萬里綠一作萬頃
碧波魚戀釣，九重青漢鶴愁籠。西池水冷春巖雪，南浦
一作陌花香曉樹風。縱有一作酌芳罇心不醉，故人多
在洛城東。

將歸姑蘇南樓餞送李明府

無處登臨

一作樓

不繫情一瓶

一作一壺

春酒醉高城

暫移羅綺見山色，纔駐管絃聞水聲。花落西亭添別夢

一作恨

柳陰南浦促歸程。前期迢遞今宵短，更倚朱欄

許上

三

待月明

酬杜補闕初春雨中泛舟次橫江喜裴郎中

相迎見寄

江館維舟爲庾公，暖波微渌雨濛濛。紅檣迤邐春巖下，
朱旆飄翻曉樹中。柳滴圓紋生紙浪，梅含香豔吐輕風。
郢歌莫問青山吏，一作客魚在深池鳥在籠。

和浙西從事劉三復送僧南歸

楚客送僧歸故鄉，海門帆勢極瀟湘。碧雲千里暮愁合，
白雪一聲春思長。開院草花平講席，繞龕藤葉蓋禪床。
憐師不得隨師去，已戴儒冠事素王。

送上元王明府赴任

莫言名重嬾驅鷄，六代江山碧海西。日照蒹葭明楚塞，

煙分楊柳見隋堤，荒城樹暗沉書浦。舊宅花連罨畫溪，
官滿定知歸未得。九重霄漢有丹梯。

姑蘇懷古

宮館餘基輟棹過，黍苗無限獨悲歌。荒臺麋鹿爭新草，
空苑鳧鷖占淺莎。吳岫雨來虛檻冷，楚江風急遠帆多。
可憐國破忠臣死，日日東流生白波。

金陵懷古

玉樹歌殘一作愁，王氣終景陽兵合戍。一作書樓空松

一作梧楸遠近千官塚，木黍高低六代宮。石燕拂雲晴亦雨，江豚吹浪夜還風。英雄一去豪華盡，唯有青山似洛中。

經李給事舊居

奇一

三三

歸作儒翁出致君，故山誰復有遺文。漢庭使氣推張禹，
楚國懷憂送范雲。楓葉暗時迷舊宅，茅花落處認荒墳。
朱弦一奏沈相怨，風起寒波日欲曛。

送張厚淵東修謁

涼露清蟬柳泊空，故人遙指溯江東。青山有雪松當澗，
碧落無雲鶴出籠。齊唱離歌愁晚月，獨看征棹怨秋風。
定知洛下聲名士，共說膺門得孔融。

竹林寺別友人

騷人吟罷起鄉愁，暗覺年光似水流。花滿謝城傷折柳，
蟬鳴蕭寺喜同遊。前山月落杉松曉，深夜風清枕簟秋。
明日分襟又何處，江南江北路悠悠。

送武處士歸章洪山居

形影無群消息沉登門三繫血沾襟皇綱一日開冤氣
青史千年重壯心却望烏臺春樹老獨歸蝸舍暮雲深
佗時縱有徵書去雪滿重山不可尋

題義女亭

身沒蘭閨道日明郭南尋得舊池亭詩人愁立暮山碧
賈客怨離秋草青西坐月沉疑掩鏡兩簷花動誤收屏
至今鄉里風猶在借問誰傳義女銘

吳門送振武李從事

晚促離筵醉玉缸伊州一曲淚雙雙欲攜刀筆從新幕
更宿煙霞別舊牕胡馬近秋侵紫塞吳帆乘月下清江
嫖姚若許傳書檄坐築三城看受降

送薛秀才南遊

許上

三四

姑蘇城外柳初凋同上江樓更寂寥
對窻寒竹雨瀟瀟
憐君別路隨秋鴈
盡我離觴任晚潮
從此草玄應有處
白雲青草一相招

夜歸孤山寺寄盧郎中

青山有志路猶賒
心在琴書自憶家
醉別庾樓山色滿
夜歸蕭寺月光斜
洛帆露溼田塘柳
開院風驚滿地花
佗日此恩須報得
莫言空愛舊煙霞

贈桐廬房明府先輩

帝城春榜誦靈仙
四海聲華二十年
闕下書功無後輩
卷中文字掩前賢
閑吟每喜江山靜
道在寧憂雨露偏
自笑小儒非一鶚
亦趨門屏冀相憐

贈閑師

近日高僧更有誰死陵山下
遇閑師東林共許三乘學
南國爭傳五字詩初到使樓紅葉墜
夜投蕭寺碧雲隨
秋江莫惜題佳句正好磷磷見底時

東遊留別李叢秀才

煩君沽酒強登樓罷唱離歌說舊遊
文字豈勞諸子重
風塵多幸故人憂數程山路長
侵驛千里家書動隔秋
起凭欄竿各垂淚又驅羸馬向東州

湘南徐明府余之南隣久不還家因題林館

湘南官滿不歸來高閣經年掩綠苔
魚溢池塘秋雨過
鳥還洲島暮雲面階前石穩
基終有窻外山高酒滿盃
借問先生在何處遠籬疎菊又花開

送沈卓少府任江都

或作趙郡

泝文上

廿五

煬帝都城春水邊笙歌夜上木蘭船
三千宮女自一作
日塗地十萬人家如洞天
豔豔花枝官舍晚重重雲影
寺墻連少年作尉須兢慎
莫向樓前墜馬鞭

客至

或作趙郡詩

得路適津更俊才可憐
鞍馬照春來殘花幾
一作落日
小齋閑大笑一叢幽
抱開神拂碧溪寒
繚繞冠歌紅樹
晚徘徊相逢少
一作分別更堪恨
何必秋風江上臺

送段覺之西蜀結婚

詞賦名高身不閑
綠衣如錦度函關
鏡中鸞影羅衣去
劍外花歸衛玠還
秋浪遠侵黃鶴嶺
暮雲遙斷碧雞山
此時人問西游客
心在重宵鬢欲班

長慶寺遇常州阮秀才

高閣晴軒對一峯毗陵書客此相逢晚收紅葉題詩遍
秋待黃華釀酒濃山劔日斜喧鳥雀石潭波動戲魚龍
上方有路應知處疎磬寒蟬第幾重

許用晦文集卷第一

雜詩

早秋

遙夜泛清瑟西風生翠蘿殘螢委玉露早鴈拂金一作銀
河高樹曉還密遠山晴更多淮南一葉下自覺老煙波

右一

一葉下前墀淮南人已悲蹉跎青漢望迢遞白雲期老
信相如渴貧憂曼倩饑生公與園吏何處是吾師

右二

薊北鴈猶遠淮南人已悲殘桃間墮井新菊亦侵籬書
劍豈相誤琴樽聊自持西齋風雨夜更有詠貧詩

右三

詩文下

金陵阻風登延祚閣

極目皆陳跡披圖問遠公戈鋌三國後冠蓋六朝中葛
蔓交殘壘堇花沒後宮水流簫鼓絕山在綺羅空極浦
千艘聚高臺一逕通雲移吳岫雨潮轉楚江風登閣慙
漂梗停舟憶斷蓬歸期與歸路杉桂海門東

歲暮自廣江至新興往復中題峽山寺四首

夜醉晨方醒孤吟恐失羣海鮑潮上見江鵠霧中聞未
臘梅先實經一作終冬草白薰樹隨山崦台泉到石稜
分虎跡空林雨後聲絕嶺雲蕭蕭異鄉鬢明日共絲莸

右一

薄暮緣西峽停橈一訪僧鷺巢橫卧柳猿飲倒垂藤水
曲巖千疊雲重樹百層山風寒殿磬溪雨夜船燈灘漲

危榭沒泉衝怪石崩中臺一襟淚歲杪別良朋

右二

密樹分蒼壁長溪抱碧岑海風聞鶴遠潭日見魚深松
蓋環清韻容根架綠陰南方大葉容樹枝危者輒生根
垂入地如柱丈洞丁多斲石蠻女半淘金端州斲石浚
涯縣淘金為業南浦驚春至西樓送月沉江流不過嶺

何處寄歸心

右三

月在行人起千峯復萬峯海虛爭翡翠溪邏鬪芙蓉南
方呼市為虛呼戎為邏新川有翡翠虛芙蓉邏也古木
高生斛陰池滿種松木斛花生於作樹榭併池沼多松
謂之水松也火探深洞燕香送遠潭龍南方持火以乳

許文下

二

月中取燕而食車州悅城縣有溫媿龍即蛇也隨來往
舟中至人家或千里外皆以香酒果送之藍塢寒先燒

禾堂晚併春

種藍多在塢中先燒其地人以木槽為春

禾謂之春堂

更投何處宿西峽隔雲鍾

右四

王居士

筇杖倚柴關都城賣卜還雨中耕白水雲外斲青山有
藥身長健無機性自閑即應生羽翼華表在人間

夏日戲題郭別駕東堂

微風起畫鸞金翠暗珊珊晚樹垂朱實春篁露粉竿散
香斲簾滑沉水越瓶寒猶恐何郎熱冰生白玉盤

曉發鄞江北渡寄崔韓二先輩

南北信多歧生涯半別離地窮山盡處江泛水寒時露
曉兼葭重霜晴橘柚垂無勞促回檝千里有心期

贈契盈上人

月沉霜已凝無夢竟一作對寒燈寄世何殊客修身未到
僧二毛梳上雪雙淚枕前冰借問曹溪路山多樹幾層

廣陵道中

城勢已坡坳城邊東逝波綠桑非苑樹青草是官莎山
暝牛羊少水寒鳧雁多因高一回首還詠黍離歌

維舟秦淮過溫州李給事宅

給事爲郎日青溪醉隱街水池通極浦雪逕遶高巖珠
玉砂同弃松筠草共芟帝圖憂一失臣節耻三緘代有
王陵躄時無靳尚讒定因操直筆空爲發空函霧黑連

并文下

三

雲棧風狂截海帆石梯迎雨潤沙井帶潮鹹蠅屐青筇
杖籃輿白芻衫應勞北歸夢山路正巉巖

宿開元寺樓

誰家歌裊裊孤枕在西樓竹色寒清簾松香淡翠憺月
移珠殿曉風遞玉笋秋日出應移掉三湘萬里愁

送湯虬士反初卜居曲江

鴈門歸去遠垂老脫袈裟蕭寺休爲客曹溪便寄家綠
琪千歲樹黃蘗四時花別怨應無限門前挂水斜

發靈溪館

山多水不窮一葉似漁翁鳥浴寒潭雨猿吟暮嶺風雜
英垂錦繡衆籟合絲桐應有曹一作批溪路千巖萬壑中

題杜居士

松偃石牀平何人識姓名溪冰寒棹響巖雪夜窻明機
盡心猿伏神閑意馬行應知此來客身世兩無情

神女祠

停車祠聖女涼禁下陰風龍氣石牀濕鳥敲一作鳴山
廟空長眉留桂綠丹臉寄蘭一作蓮紅莫學陽臺畔朝
雲暮雨中

送李定言南游

酒酣輕別恨酒醒復離憂遠水應移棹高峯更上樓簾
涼清露夜琴響碧天秋重惜芳罇宴滿城無舊游

早發中巖寺別契真上人

蒼蒼松桂陰殘月半西岑素壁寒燈暗紅爐夜火深厨
開山鼠散鍾盡嶺猿吟行役方如此逢師懶話心

詩文下

四

行次潼關題驛後軒

飛閣極層臺終童此路回山形朝闕一作岳去河勢抱

一作入關來鴈過秋風急蟬一作鷓鳴宿霧開平生無

限意驅馬任塵埃一本破題云殘月征人起西風宿霧

開第三聯之揚震名偏著終童賤不回

晨至南亭呈裴明府

南齋夢釣竿晨起月猶殘露重螢依草風高蝶委蘭池
光秋鏡澈山色曙屏寒更恋陶彭澤無心議去官

江樓夜別

離別奈情何江樓凝豔歌蕙蘭秋露重蘆葦夜風多深
怨寄清瑟遠愁生翠蛾酒酣相顧起明月棹寒波

灞東題張司馬郊園

楚翁秦塞住昔事李輕車白社貧思橘青明老仰瓜讀
書三逕草沽酒一籬花更欲尋芝木商山便寄家

游維山新興寺宿石屏村謝叟家

晚過石屏村村長日漸一作易曛僧歸下嶺見人語隔

江一作溪聞谷響寒耕雪山明夜燒雲家家扣銅鼓欲

賽魯將軍村有魯肅廟

塞下

夜戰桑乾北一作雪秦兵半不歸朝來有鄉信猶自寄

征衣

送魚思別處士歸有懷

讌罷衆賓散長歌携一枝溪亭相送遠山郭獨歸逢風
檻夕雲散月軒寒露滋病來雙鬢白不是別離時

許文下

五

送從兄歸隱藍溪二首

名高猶一作尚素衣一作氣高身不達窮巷掩荆一作

扉漸老故人少久貧豪客稀寒雲橫劍望山月抱琴

歸幾日藍溪醉藤花拂釣磯一作莫遣藍溪路青苔滿

釣磯

右一

京洛多高蓋憐兄劇斷蓬身隨一劍老家入萬山空夜
憶蕭關月行悲易水風無人知此意甘卧白雲中

右二

村舍

燕鴈下秋塘田家自此忙移蔬通遠水收果待繁霜野
碓舂杭滑山厨焙茗香客來還有酒隨事宿茅堂

7
秋日赴闕題潼關驛樓

紅葉晚蕭蕭，長亭酒一瓢。殘雲歸太華，疏雨過中條。樹色隨關迥，河聲入海遥。帝鄉明日到，猶自夢漁樵。別本作行次潼關逢魏扶東歸首句云南北并逢關下五句並同卒章云勞歌此分首風急馬蕭蕭

重經姑蘇懷古二首

越兵驅綺羅，越女唱吳歌。宮盡燕巖少，臺荒麋跡多。棠莢垂晚露，齒萼落秋波。無復君王醉，蒲城蟬翠娥。

右一

香逕遶吳宮，千帆落照中。鸛鳴山欲雨，魚躍海多風。城帶晚莎綠，池連秋蓼紅。當年國門外，誰識伍員忠。

右二

寄文下

六

旅懷

征車一作輪何軋二，南北極天涯。孤枕易爲客，遠書難到家。鄉連雲外樹，城閉月中花。猶有扁舟思，一作只前年別若耶。

南亭與首公讌集

秋來水上亭，幾處似巖扃。戲馬翻紅葉，游龜帶綠萍。管弦心戚戚，羅綺鬢星星。行樂非吾事，西齋尚有螢。

吳門送客早發

吳歌咽，深思楚客怨。歸程寺曉樓臺迥，一作鍾聲遠江秋管吹清。早潮低水檻，殘月下山城。惆悵回舟日，湘南春草生。

送太昱禪師

禪牀深竹裏心與徑山期結社多高客登壇盡小師早
秋歸寺遠新雨上灘遲別後山一作江雲碧南齋一首詩

嚴陵釣臺貽行侶

故人天下定歸釣碧巖幽舊跡隨臺古高名寄水流鳥
喧羣木晚蟬急衆山秋更待新安月憑君暫駐舟

南樓春望

南樓春一望雲水共昏昏野店歸山路危橋帶郭村晴
煙和草色夜雨長溪痕下岸誰家住殘陽半掩門

思歸

豐嶂平蕪外依依識舊邦氣高詩易怨愁極酒難降樹
暗支公院山寒謝守窓躬勤樓下水幾日到荆江

送無夢上人先歸甘露寺

許文下

七

飄飄一作飄隨晚浪杯影入鷗群岸凍千船雪巖陰一
寺雲夜燈江北見寒磬浦西聞鶴嶺煙霞在歸期不羨君

溪亭

溪亭四面山橫柳半溪灣蟬響塘螂急魚深翡翠閑水
寒留客醉月上與僧還猶戀蕭二竹西齋未掩關

右一

暖枕眠溪柳一作雨僧齋昨夜茶茶香妹夢後松韻晚
吟時共戲魚翻藻爭棲鳥墜一作噪枝重陽應一醉裁
菊助一作在東籬

右二

閑居孟夏即事

綠樹蔭青苔柴門臨一作向水開簾涼初熟麥枕牀一

作馬下經梅魚躍河風一作雲起鼉鳴江雨來佳人竟
何處一作佳期今已曠日夕上樓一作高臺

題灞西路隱士

磻溪連灞水商嶺接秦山青漢不田駕白雲長一作空
掩關雀喧知鶴靜鳥戲識一作亮鷗閑却笑南昌尉悠
悠城市間

晚泊七里灘

天晚日沉沉歸舟繫柳陰江村平見寺山郭遠聞砧樹
密猿巖響晏澄鴈影深榮華暫時事誰識子陵心

蒜山津觀發軍

羽檄徵兵急棘門選將雄犬羊憂破竹貔武極飛蓬定
繫一作擊猖狂虜何煩矍鑠翁更探黃石略重振黑山

許文下

功別馬嘶營柳驚鳥散井桐低星連寶劍殘月讓雕弓
浪曉戈鋌裏山晴鼓角中甲聞魚照水旗颺虎峯風去
想金河遠行聞一作知玉塞空漢庭應有問師律在元戎

早發壽安次永濟渡

東西車馬塵豈洛與咸秦山月夜行客水煙朝渡人樹
涼風浩浩灘淺石磷磷會待功名就扁舟寄此身
暝投靈智寺渡溪不得却取公江路往

雙巖瀉一川回馬斷橋前古廟陰風地寒鍾暮雨天沙
虛留虎跡水滑帶龍涎却下臨江路潮深無渡船

寄題商洛王隱居

近逢商洛客知爾住南塘草閣平春水柴門掩夕陽墜
蜂收野蜜尋麝採生香更憶前年醉松花浦石牀

泊松江渡

漠漠一作宿 故宮地月涼風露幽一作雲木幽 鷄鳴荒

戍曉一作晚 鴈過古城秋楊柳北歸路蒹葭南渡舟去

鄉今已遠更上望京樓

赴慈和寺移宴

高寺移清宴漁舟繫綠蘿潮平秋水闊雲斂暮山多廣
檻停蕭鼓繁鍾散綺羅西樓半牀月莫問夜如何

送林處士自閩中道越由雲抵兩川

書劍少青眼煙波初白頭鄉關背黎嶺客路轉蘋洲處
困道難固乘時恩易驕鏡中非訪戴劍外欲依劉高枕
海天暝落帆江雨秋鷺散應遠鼓蜃氣學危樓智士役
千慮達人輕百憂唯聞陶靖節多在醉鄉游

詩文下

九

晨裝一本作早發洛中

帶月飯一作獨 行侶西游關塞長晨鷄鳴遠戍宿鴈起
寒塘雲卷四山雪風凝千樹霜誰家游俠子一作歌乘
散沉醉卧蘭堂一作停驂一四首隱見嵩陽

送前南陵李少府

高人亦未閑來往楚雲間劍在心應壯書窮鬢已班落
帆秋水寺驅馬夕陽山明日南昌尉空齋又掩關

別韋處士

南北斷蓬飛別來相見稀更傷今日酒未換昔年衣舊
友幾人一作多在 故鄉何處歸秦原向西路雲晚雪霏霏

九日登樟亭驛樓

鑪鑪與萸羹西風片席輕潮田孤島晚一作遠 雲斂衆山

晴丹葉下高閣黃花垂古城因秋倍多感鄉樹接咸京
送前緱氏韋明府南游

酒闌橫劍歌日暮望關河道直去宮早家貧爲客多山
昏函谷雨木落洞庭波莫盡遠游興故園荒薜蘿

宣城贈蕭兵曹

桂檝謫湘渚三年波上春舟寒勾一作別溪雪衣故洛城
塵客道耻揺尾皇恩寬犯鱗花時去國遠月夕上樓頻
貧一作老酒不辭病傭書非爲貧行吟值漁父坐隱對樵
人紫陌罷雙轡碧潭窮一綸高歌更南去煙水是通津

留題偃師主人

孤城漏未殘徒侶拂征鞍洛北去游一作愁遠淮南歸夢
闌曉燈回壁暗晴雪卷簾寒更盡主人酒出門行路難

許文下

十

再游越中傷朱慶先輩好直上人

昔年湖上客留訪雪山翁王氏船猶在蕭家寺已空月
高花有露煙合水無風處處多遺韻何曾入剡中

京口津亭送張崔二侍御

愛樹滿西津津亭墮淚頻素車應度洛珠履更歸秦水
接三湘暮山通五嶺春傷離與懷舊明日白頭人

放猿

殷勤解金鑠一作別夜雨淒淒山淺憶巫峽水寒思
建溪遠尋一作好依紅樹宿深向一作入白雲啼好覓
來時路一作便見南歸路煙蘿莫共迷一作自迷

將離郊園留示弟姪

身賤與心違秋風生旅衣久貧辭國遠多病在家稀山

賤客初散樹涼人未歸西都萬餘里明旦別柴一作荆扉

題韋隱居西齋

鄙藥去還歸家人半掩扉山風藤子落溪水豆花肥寺
遠僧來少橋危客過稀不聞砧杵動一作響應解製荷衣

夜歸丁卯橋村舍

月涼風靜夜歸客泊巖前橋響犬遙吠庭空人散眠紫
蒲低水檻紅藥半江船自有還家計南湖二頃田

題青山館

即謝公宅

昔人詩酒地芳草思王孫白水半塘岸青山橫郭門懸
巖碑已折盤石井猶存無處繼行樂野花空一樽

將赴京師留題孫處士山居二首

草堂近西郭遙對敬亭開枕膩海雲起簾涼山雨來高

詩文下

士

歌懷地肺遠賦憶天台應學相如志終須駟馬回

右一

西巖有高興路僻幾人知一作有誰知松蔭花開晚

一作少山寒酒熟遲游從隨野鶴休息遇靈龜長見隣翁

說容華似舊時

右二

泛五雲溪

此溪何處路遙問白驄翁佛廟千巖裏人家一島中魚
傾荷葉露蟬噪柳林風急瀨鳴車軸微波漾釣筒石苔
繁棹綠山果拂舟紅更就前溪宿村橋與剡通

南海使院對菊懷丁卯別墅

何處曾移菊溪橋鶴嶺東籬踈還有艷園小亦無兼日

晚秋煙裏星繁曉露中影和金澗水香染玉潭風罷酒
慙陞令題詩荅謝公朝來數花發身在尉佗宮

秋日白沙館對竹

蕭蕭凌雪霜濃翠異三湘踈影月移壁寒聲風滿堂卷
簾秋更早高枕夜偏長忽憶南溪路萬竿今正涼

送李順秀才西行

萬里不辭勞寒裝疊緜一作雪袍停車山店雨挂席海

門濤鷹勢一作翅暮偏急鸛聲秋更高知君北邙路留

劍泣黃蒿

馬鎮西故第

將軍久已沒行客自興哀功業山長在繁華水不迴亂

藤一作片侵廢井荒菊上萌臺借問此中事幾家歌舞

許文下

十二

來

重遊鬱林寺道立上人院

藤杖叩松關春溪鄒藥還雨晴巢燕急波暖浴鷗閑倚

檻花臨水回舟月照山憶歸師莫笑書劍在人間

和李相國并序

蒙賓客李相國見示和宣武盧僕射以吏部高尚書自

江南赴闕賦大梨白鷗因贈五言六韻攀和

巨實珍吳果馴鷄重越禽摘來漁浦上攜在兔園陰霜

合凝丹頰風披斂素襟刀分瓊液散籠蔽雪華深虎帳

齋中詠龍樓洛下吟舍消兼受彩應貴家卿心

泛谿

疑與武陵通青谿碧嶂中水寒深見石松晚靜聞風澌

跡驅鷄吏冥心失馬翁纔應畢婚嫁遺此息微躬

送惟素上人歸新安

山空葉復落一逕下新安風急渡谿晚雪晴歸寺寒尋
雲策藤杖向日倚蒲團寧憶西游客勞勞歌路難

雲上宴別

山斷水茫茫洛人一作濱西路長笙歌留遠棹風雨寄
華堂紅壁耿秋燭翠簾一作簷疑曉香誰堪從此去雲
樹滿陵陽

下第別楊至之

花落水潺潺十年離舊山夜愁添白髮春淚減朱顏孤
劍北游塞遠書東出關逢君話心曲一醉灞陵間

洛東蘭若夜歸

詩文下

三

一衲老禪牀吾生半異鄉管絃愁裏老書劍夢中忙鳥
急山初暝蟬稀樹正涼又歸何處去塵路月蒼蒼

春日題草曲野老村舍二首

遶屋遍桑麻村南第一家林繁樹勢直谿轉水紋斜竹
援晝看筍藥欄春賣花故園歸未得到此是天涯

右一

背領枕南塘數家村落長鷺啼幼婦懶蠶出小姑忙煙
草近溝濕風花臨路香自憐非楚客春望亦心傷

右二

尋戴處士

車馬長安道誰知大隱心蠻僧留古鏡蜀客寄新琴曠
藥竹齋暖擣茶松院一作逕深思君一相訪殘雪似山陰

崇聖寺別楊至之

蕭寺暫時一作相逢離憂滿病容寒齋秋少燕陰壁夜
多蛩一作蟲樹暗水千里山深雲萬重懷君在書信莫
過鴈回峯

途經李翰林墓

氣逸何人識才高舉世疑禰生在善一作解賦陶令醉
吟一作能詩碧水鱸魚怨青山鵬鳥悲至今孤塚在荆
棘楚江湄

送段覺歸杜曲閑居

書劍南歸去山扉別幾年苔侵巖下路果落洞中泉紅
葉高齋雨青蘿曲檻煙寧知遠游客羸馬太行前
下第寓居崇聖寺感事

許文下

古

懷玉

一作士

江京華舊山歸路賒靜依禪客院幽學野人
家林晚鳥爭樹園春蜂護花東門有閑地誰種邵平瓜
晚發天井關寄李師晦

山在水滔滔流年欲一作惜二毛湘潭歸夢遠燕趙客程
勞露曉紅蘭重雲晴碧樹高逢秋正多感萬里別同袍
寄天香寺仲儀上人富春孫處士

詩僧與釣翁千里兩情通雲帶鴈門雪水連漁浦風心
期榮辱外名挂是非中歲晚亦歸去故園清洛東

喜遠書

端居穠時節離恨隄龍瀧苔色上春閣柳陰移晚窻寄
懷因挂水流目極楓江此日南來使金盤魚一作鱈一雙
懷江南同志

南國別經年雲晴波接天蒲深鷓鴣戲花暖鷓鴣眠竹
暗湘妃廟楓陰楚客船唯應洞庭月万里共娟娟

思天台

赤城雲雪深山客負歸心昨夜西齋宿月明琪樹陰

雨後憶湖山居

前山風雨涼歇馬坐垂楊何處芙蓉落南渠秋水香

洛中秋日

故國無歸處官閑憶遠游吳僧秣陵寺楚客洞庭舟
病先知雨長貧早覺秋壯心能幾許伊水更東流

贈蕭鍊師二十韻并序

鍊師貞元初自梨園送為內妓善舞柘枝宮中莫有倫
比者寵錫甚厚及駕幸秦夫以病不獲隨輦遂失所止

許下

十

洎復宮闕上頗懷其藝求之浹日得於人間後聞神仙
之事謂長生可致乞奉黃老上許之詔居嵩南洞清觀
迨今八十餘矣雪膚花顏與昔無異則知龜鶴之壽安
得不由所尚哉因賦是詩題於院壁

曾試昭陽曲瑤齋帝自臨紅珠落繡帽翠鈿束羅襟雙
闕朝塵起千門宿露陰出宮迷國步回駕軫皇心桂殿
春空晚椒房夜自深急宣求故劍真契得遺簪暗記神
仙傳潛封女史箴壺中知日永掌上畏年侵莫比班家
扇寧同卓氏琴雲車辭鳳輦羽帔別鴛衾網斷魚游藻
籠開鶴戲林洛煙浮碧漢嵩月上丹岑露草爭三秀風
篁共八音吹笙延鶴舞敲磬引龍吟毛節織腰琴霞杯
皓腕甚還磨照寶鏡猶挿辟寒金東海人情變南山聖

壽沈朱顏常似渥綠髮已如尋養氣齊生死留形盡古今更求應不見鷄犬日駸駸

將赴京師蒜山津送客還荆渚

樽前万里愁楚塞與皇州雲識瀟湘雨風知鄆杜秋潮平猶一作仍倚棹月上更登樓他日滄浪水漁歌對白頭

潼關蘭若

來往幾經過前軒枕大河遠帆春水闊高寺夕陽多蝶影下紅藥烏鵲喧綠蘿故山歸未得徒詠採芝一作薇歌

陪少師李相國崔賓客宴居守狄僕射池亭

池色似瀟湘一作擬三湘仙舟日正長燕飛驚蛟蜃魚戲一作躍動駕鴛鴦雲聚一作定歌初轉風回舞欲翔暖醅松葉嫩寒粥杏花香羅綺留春色笙琴送晚光何須

斗下

十六

明月夜一作下紅燭在華堂

寄契盈上人

何處是西林疎鐘復遠砧鴈來秋水闊鴉盡夕陽沉婚嫁乖前志功名異夙心湯師不可問江上碧雲深

晨起二首

挂樹綠層層風微煙露凝簷楹街落月緯幌耿殘燈斷簾曙香冷越瓶秋水澄心間即無事何異雪山僧

右一

殘月皓煙露掩門深竹齋水蟲鳴曲檻山鳥下空塔清鏡曉看髮素琴秋寄懷因知北窻客一作昨日與世情乖

右二

尋周鍊師不遇留贈

閉門池館靜云訪紫芝翁零落槿花雨參差荷葉風夜
碁全一作殘局在春酒半壺空長嘯倚西閣悠悠名利中
洞靈觀夕青

霜散不凋色兩株交石壇未秋紅實淺經一作終夏綠陰
寒露重蟬鳴急風多鳥宿難何如西禁柳晴舞玉欄干
送友人自荆襄歸江東友人新喪其偶

商洛轉江濱一杯聊慰一作送君
離群楚驛枕秋水湘帆凌暮雲猿聲斷腸夜一作更應
向雨中聞

翫殘雪寄河南劉尹大夫

艷陽無處避皎潔不成容素質添瑤水清光散玉峯眠
鷗猶戀草棲鶴未離松聞在金鑿望一作賞群仙對九重

詩文下

十一

陪越中使院諸公鏡波館餞明台裴鄭二使君
傾幕來華館淹留二使君舞移清夜月歌斷碧空雲海
郡樓臺接江船劔戟分明時自騫翥無復歎離羣

春泊弋陽

江行春欲半孤枕弋陽堤雲暗猶飄雪潮寒未應溪飲
猿聞棹散飛鳥背船低此路成幽絕家山鞏洛西

冬日開元寺贈元孚上人二十韻

一鉢事南宗僧儀稱病容曹溪花裏別蕭寺竹前一作
問逢燭影深寒殿經聲徹曙鍾欲齊簷簾睡一作下鷓初
定壁吟蛩詩繼休遺韻書傳永逸縱藝多人譽洽機絕
道情濃及澗瓶沉藻眠堦錫挂松雲鳴新放鶴池卧舊
降龍露茗山厨焙霜抗野碓春梵文明處譯禪衲暖時

縫層塔題應遍飛軒步不傭繡梁交辟荔畫井倒芙蓉
翠戶垂旗網朱窓列劍鋒寒風金磬遠晴雪玉樓重妙
理三乘達清才万象供山高橫睥睨灘淺聚艤艫微靄
蒼平楚殘暉淡遠峯林踈霜撼撼波靜月溶溶劍出因
雷煖琴轂遇蔡邕西方如有社支許合相從

送同年崔先輩

西風帆勢輕南浦遍離情菊艷含秋水荷花遮雨敲扣
舳灘鳥沒移掉草蟲鳴更憶前年別槐花滿鳳城

晨別脩然上人

吳僧誦經罷敗衲倚蒲團鍾韻花猶斂樓陰月尚殘
山開殿響秋水卷簾寒獨恨孤舟去千灘復萬灘

山雞

許文下

十八

珍禽暫不高飛舞躍前庭翠網摧金距雕籠滅繡翎月
圓疑望鏡花暖似依屏何必舊巢去山山芳草青

送客江行

蕭蕭蕭蕭荻花卸客獨辭家遠棹依山響危檣轉浦斜水
寒澄淺石潮落漲虛沙莫與征徒望鄉園去漸賒

孤鴈

昔年雙頰頽池上靄春暉霄漢力猶扶稻梁心已遠蘆
洲寒獨宿一作立榆塞夜孤飛不及營巢葉一作巢簷
燕西風相逐一作伴歸

寓懷

南國浣紗伴盈盈天下姝盤金明繡帶動珮響一作鳳
珮動羅襦素手怨瑤瑟清心悲玉壺春華坐銷落未忍

泣菲蕪一作未忍嫁狂夫

洛中游眺貽同志

康衢一望通河洛正天中樓勢排高鳳橋形架一作挂斷
虹遠山晴帶雪寒水晚多風幾日還攜手鳥鳴花滿宮
將歸塗口宿鬱林寺道玄上人院二首

西巖一磬長僧起樹蒼蒼開殿洒寒水誦經焚晚香竹
風雲漸散杉露月猶光無復重來此歸舟凌夕陽

右一

春尋採藥翁歸路宿禪宮雲起客眠處月殘僧定中藤
花深洞水榭一作松葉滿山風清境不能住朝朝慙遠公

右二

長安旅夜

許文下

十九

夕客怨長一作良夜西風吹馮轂雲移河漢一作色淺
月泛露華清掩瑟必一作獨疑思緩歌空寄情門前
歸路迢迢洛陽城

題宣州元處士幽居

潺湲遶門水未省濯纓塵馬散千巖曙蜂來一逕春杉
松還待客芝朮不求人寧學磻溪叟逢時罷隱綸

送李秀才

南樓送郢客西郭見荆門鳧下寒渚牛羊歸遠村蘭
舟倚行棹桂酒掩餘樽重此一留宿前汀煙水昏

歲首懷甘露寺自省上人

上人嘗有學功

心悟覺身勞雲中弃寶刀久閑生胫肉多壽長眉毫客
棹春潮急禪齋暮雪一作用高南濡一回首山碧水滔滔

題倪處士舊居

儒翁九十餘，舊向此山居。
生寄一壺酒，死留千卷書。
欄摧新竹少，池淺故蓮疎。
但有子孫在，帶經還荷鋤。
一作自鋤

贈梁將軍

曾經黑山虜，一劔出重圍。
年長窮書意，時清隱釣磯。
一作戰機高齋雲外住，瘦馬月中歸。
唯說鄉心苦，春風鴈北飛。

春望思舊游

失意一作何處極春日，南臺披薜蘿。
花光晴漾漾，山色畫峨峨。
湘水一作渚美人遠，信一作漢陵豪客多。
唯憑一瓢酒，彈瑟縱高歌。

許文下

二十

病中二首

三年嬰一作持酒渴，高卧似懷安。
秋色贖應改，夜涼心已寬。
風衣簾篔滑，露枕竹牀寒。
卧憶郊扉月，恩深未挂冠。

右一

秋一作欲歸人暫適，一作蕭扶杖遶西林。
風急柳谿響，露寒莎徑深。
一身仍白髮，萬慮只丹心。
此意無言處，高窓託素琴。

右二

姑熟官舍寄汝洛友人

官靜亦無能，平生少面朋。
務開一作閑唯印吏，公退只棊僧。
藥鼎初寒火，書龕欲夜燈。
安知北溟水，終日送搏騰。

恩德寺

樓臺積復重猶有半巖空
蘿洞淺深水竹廊高下風晴
山踈雨後秋樹一作碧斫雲中未盡平生意孤帆又向東

秋夕宴李侍御宅

公子徵詞客秋堂迺玉杯
月高羅幕卷風度錦屏開
鳳管添篳品鷓鴣弦促柱哀
轉疾雲旋合垂手露徐來
燭換三條燼香銷十炷灰
蛩聲聞鼓歇螢焰觸簾迴
廣檻煙分柳空庭露積苔
解醒須滿酌應為撥新醅

天竺寺題葛洪井

羽客鍊丹井井留一作存人已無
舊泉青石下餘一作移甃碧山隅
雲助鏡開匣月寒冰在壺
仍聞釀仙一作春酒此水一作味過瓊酥

鷓鴣

許文下

五

池寒柳復凋獨宿夜迢迢
雨頂冠應冷風毛劍欲飄
故巢迷碧水舊匹一作侶越丹霄
不是無歸一作栖處心高多寂寥

朗上人院晨坐

簾涼襟袖清月沒尚殘星
山果落秋院水花開曉寔
踈藤風嫋嫋圓桂露眞眞
正憶江南寺巖齋聞誦經

送客歸湘楚

無辭一杯酒昔日與君深
秋色換歸鬢曙光生別心
桂花山廟冷楓樹水樓陰
此路千餘里應勞楚客吟

過故交舊居

往年公子宅夜宴樂難忘
高竹動踈翠早蓮一作荷飄
暗香珠簾疑寶瑟綺席迺華觴
一本作門人幾寶瑟坐

客遊華觴

今日皆何處
閉明春草長
一作荒

送客歸峽中

津亭多別離
楊柳半無枝
一作枯枝
任接猿啼處
行逢鴈過時
江風颺帆急
山月下樓遲
還就西齋宿
煙波勞夢一作所思

題冲沼上人院

鄮石種松一作杉
子數根一作株
侵貧具天寒
猶講律雨暗尚尋經
小殿燈千盞
深爐水一鉗
碧雲多別思
休到望溪一作江亭

和畢員外雪中見寄

仙署掩清景
雪花松桂陰
夜凌瑤席宴
春寄玉京吟
燭晃垂羅幕
香寒重繡衾
相思不相訪
煙月剡溪深

詩文下

三二

春醉

酒醲花一樹
何假卓文君
客坐長先飲
公閑已半醺
水鄉春足雨
山郭夜多雲
何以參禪理
榮枯盡不聞

題岫上人院

病客與僧閑
頻來不掩關
高窻雲外樹
疎磬雨中山
離索秋蟲響
登臨夕鳥還
心知落帆處
明月澗河灣

送客南歸有懷

淶水暖青蘋
湘潭萬里春
瓦樽迎海客
銅鼓賽江神
避雨松一作綠
楓岸看雲楊一作漢柳
長安一杯酒
座上上有歸人

李生棄官入道因寄

西一作千巖
一逕通一作千巖路不窮
知學一作訪採

芝翁寒暑丹心外光陰白髮中水深魚避釣雲迥鶴辭
籠坐想還家日人非井邑空

長興里夏日南隣避暑

侯家一作門大道傍蟬噪樹蒼蒼開鎖洞門遠下簾賓
一作簾高館涼欄圍紅藥盛架引綠蘿長永日一欹枕
故山雲水一作外鄉

晨自竹逕至龍興寺崇隱上人院

佛寺通南逕僧堂倚北坡藤陰迷晚竹苔滑仰晴莎病
憶春前別閑且雨後過石橫聞水遠林缺見山多欲結
三天社初降十地魔素龍來有窟靈鶴去無巢客路隨
萍梗鄉園失薜蘿禪心如可學不藉魯陽戈

送韓校書

許文下

三

恨與前歡隔愁因此會同跡高芸閣吏名散雪樓翁城
閉三秋雨帆飛一夜風酒醒鱸膾美應在竟陵東

秋晚登城

城高不可下永日一登臨曲檻涼飈急空樓返照深葦
花迷夕棹梧葉散秋砧漫作歸田賦蹉跎歲欲陰

江西鄭常侍赴鎮之日有寄因酬和

來暮亦何愁金貂在鷁舟旆隨寒浪動帆帶夕陽收布
令滕王閣裁詩郢客樓即應歸鳳沼中外贊天休

懿安皇太后挽歌詞

陵前春不盡陵下夜何窮未信金螭老先驚玉燕空挽
移蘭殿月旌引栢城風自此隨龍馭橋山翠靄中

蒙河南劉大夫見示與吏部張公喜雪酬唱

輒敢攀和

風度龍山暗雲凝象調陰瑞光瓊樹合仙草玉苗深欲
醉梁王酒先調楚客琴即應携手去將此助殷霖

寄郴州李相公散體

高樓王與謝逸韻比南金不遇銷憂日埃塵誰復尋曠
懷澹得喪失意縱登臨彩檻浮雲迥綺窻明月深虬龍
壓滄海鴛鸞思鄧林青雲傷國器白髮軫鄉心功高恩
自治道直謗徒侵應笑靈均恨江畔獨行吟

示弟

自爾出門去淚痕長蒲衣家貧爲客早路遠得書稀文
字何人重一作誰人賞煙波幾日歸秋風正搖落孤鴈
又南飛

詩文下

三四

下第送宋秀才游岐下楊秀才還江東

年來不自得一望幾傷心風轉蕙蘭色月移松桂陰馬
隨一作嘶邊草遠帆落海雲深明且各分首一作從此
無鄉別更聽梁甫吟

送樓煩李別駕

琴清詩思勞更欲學龍韜王粲暫投筆一作停筆呂虔
初佩刀夜吟關月靜一作用秋望塞雲高去去從軍樂
鵬飛代馬豪

聞兩河用兵因貽友人

故人日已遠身事與誰論性拙難趨世心孤易感恩秋
悲憐宋玉夜舞笑劉琨徒有干時策青山尚掩門
南其偶題

城下水縈回潮衝野艇來鳥驚山果落龜泛綠萍開白
首書早卷朱顏酒一杯南軒自流涕不是望燕臺

與裴秀才自越西歸阻凍登武丘山寺

春草越吳間心期旦夕還酒鄉逢客病詩境遇僧閑倚
棹水生浦登樓雪滿山東風不可待歸驢坐一作漸班班

太和初靖恭里感事

前有問宋相公申錫下

世一篇辭旨畧同但七言少異耳

清湖弔屈原垂淚擷蘋繁謗起乘軒鶴機沉在檻猿乾
坤三事貴華夏一夫冤寧有唐虞世心知不爲言

與侯春時同年南池夜話

蘆葦暮脩脩谿琴上釣舟露涼花斂夕風靜竹舍秋素
志應難契清言豈易求相歡一瓢酒明日醉西樓

并天下

三五

廣陵送剡縣薛明府赴任

車馬楚城豪清歌送濁醪露花羞別淚煙草讓歸袍鳥
浴春堂暖猿吟暮嶺高尋仙在仙骨不用廢牛刀

游果晝二僧院

何必老雲泉冥心便是禪講時開院去齋後下簾眠鏡
朗燈分焰香銷印絕煙真乘不可到雲盡月明天

題官舍

燕鴈水鄉飛京華信自稀篔簹瓢貧守道書劒病志機疊
鼓吏初散繁一作疎鍾鳥獨歸高梧與疎一作蒼柳風

雨似郊扉

酬報先上人登樓見寄上人自峽下來

丹葉下西樓知君萬里愁鍾非黔峽寺帆是敬亭舟山

色和雲暮湖光共月秋天台多道侶何惜更南游

曉過鬱林寺戲呈李明府

身閑白日長何處不尋芳山掩登樓寺谿灣泊晚航一作
橋洞花蜂聚蜜巖柏麝留香若指求仙路劉郎學阮郎

泛舟尋鬱林寺道立上人遇雨而返因寄

禪扉倚石梯雲濕雨淒淒草色分松逕泉聲咽一作益稻
畦草移灘鳥沒鍾斷嶺猿啼入夜花如雪迴舟憶剡谿

鬱林寺

臺殿冠峩峩春來日日過水分諸院少雲近上方多衆
籟凝絲竹繁英耀綺羅酒酣詩自逸乘月棹寒波

題崇聖寺

寺即故宮也

西林本行殿池榭日坡陁雨過水初漲雲開山漸多晚

詩文下

二六

街垂御柳秋院閉宮莎借問龍歸處鼎湖空碧波

贈高處士

宅前雲水滿高興一書生垂釣有深意望山多遠情夜
棊留客宿春酒勸僧傾未作千時計何人問姓名

送僧歸金山寺

老歸江上寺不忘舊師恩駐錫逢山色停杯一作携見浪

痕秋濤吞楚驛曉月上荆門爲訪題詩處莓苔幾字存

金谷桃花

花在舞樓空年年依舊紅渡光停曉露愁態倚春風開
處妾先死落時君亦終東流三兩片應在一作到夜泉中

憶長洲

香逕小船通菱歌達故宮魚澄秋水靜鳥宿暮山空荷

葉橋邊雨蘆花海上風歸心無處說高枕畫屏中

再寄殷堯藩秀才

直道知誰用經年向水濱宅從栽竹貴家爲買書貧就
學多新一作名客登朝盡故人蓬萊自有路莫羨武陵春

題鄒處士居

桑柘浦江村西齋對海門浪衝高岸響潮入小池潭岳
樹萎基局山花落酒樽相逢亦一作相歡吏留宿還似

識王孫

送僧歸敬亭山寺

十年劍中路傳盡本師經曉月下黔峽秋風歸敬亭開
門新樹綠登閣舊山青遙想論禪處松陰水一瓶

新卜原上居寄袁校書

許文下

二十七

貧居洛陽北江海思迢迢雪夜書千卷花時酒一瓶獨
愁秦樹老孤夢楚山遙有路應相念風塵滿黑貂

天街曉望

明一作曉星低宋史蓮闕迴蒼蒼疊鼓催殘月踈鍾迎早
霜關防浮瑞氣宮館耀補光再拜爲君壽南山高且長

江上喜洛中親友繼至

戰馬昔紛紛一作兩河濱風驚嵩少塵全家南渡遠書
友北來頻罷酒松桂晚賦詩揚柳春誰一作何言今夜

月同是洛陽人

長安早春

雲月有歸處故山清洛南秦城一花發春夢遍一作過
江潭

下第歸朱方寄劉三復

素衣京洛塵歸棹過南津故里跡猶在舊交心更親月
高蕭寺夜風暖更樓春詩酒應無暇朝朝問旅人

送客歸吳興

淶水棹雲月洞庭歸路長春橋懸酒幔一作旂夜柵集茶
檣碧葉沉谿暖蘋花遶郭香應逢柳太守為說過瀟湘
月夜期友人不至

坐待故人宿月華清與秋管弦誰處醉池館此時愁風
過渚蒲動露含山桂幽孤吟不可一作覺曙昨夜共登樓
白馬寺不出院僧

禪心空已寂世路任多歧到院客長見閉關人不知寺
宜聽講絕厨遠送齋遲牆外洛陽道東西無盡時

許文下

二十八

寄秦都校書

擾擾換時節舊山琪樹陰猶乖青漢志方一作空負白雲
心廣陌埃塵遠重門管吹深勞歌極四望芸省有知音
贈柳璟馮陶二校書

霄漢兩飛鳴喧喧動禁城桂堂同日盛芸閣問年榮香
掩蕙蘭氣韻高鸞鶴聲雁憐茂陵客未有子虛名

王秀才自越見訪不遇題詩而迴却寄

南齋知數宿半為木蘭開晴閣留詩遍春帆載酒迴煙
深楊子宅雲斷越王臺自有孤舟興無妨更一來

秋霽潼關驛亭

霽色明高嶽關河獨望遙殘雲歸太華踈雨過中條鳥
散綠蘿靜蟬稀紅樹凋何言此時節去去任蓬飄

送客歸蘭谿

花下送歸客路長應過秋暮隨江鳥宿寒共嶺猿愁衆
水喧巖瀨群峯抱沈樓因君幾南望曾向此中游

貽終南山隱者

中巖多小隱提盃抱琴游潭冷薜蘿晚山香松桂秋
瓢閑高樹挂杯急曲池流獨有津迷客東西南北愁

送李文明下第鄜州覲兄

征車天一涯醉贈別君詩鴈向參差遠龍多次第遲
塞歌還夜苦宋賦更秋悲的的遙相待清風白露時

送段覺歸東陽兼寄竇員使君

山水引歸路陸郎從此語秋茶垂露細寒橘帶霜甘
臺倚烏龍嶺樓侵白鴈潭沈公如借問心斷浙河南

詩文下

二十九

獻白尹即樂天也

醉舞任生涯褐寬烏帽斜庾公先在郡踈傳早還家
林晚鳥爭樹園春蜂護花高吟應更逸嵩洛舊煙霞

送從兄別駕歸蜀川并序

從兄彥昭與桂陽令韋伯達貞元中俱為千牛伯達官
至王府長史長慶中非罪受譴前年會赦復故秩詔未
及而已身歿從兄自蜀而南發旅櫬歸葬塗上旣而西
還因成十韻贈別

聞與湘南令童年侍玉墀家留素塞曲官謫瘴谿湄道

直蕪臣屏寃深聖主知逝川東去疾霑澤北來遲青漢

龍驄失蒼岑一作山馬驍移風淒一作清聞笛處月慘

罷琴時客路黃公廟鄉關白帝祠已稱鸚鵡賦寧望鶴

鷓鴣詩遠道書難達長亭酒莫持當憑蜀淚萬里寄相思
韶州送竇司直出嶺

江曲山如畫貪程亦駐舟果隨巖沈落槎帶水禽濟客
散佗鄉夜人歸故國秋樽前挂帆去風雨下一作在西樓
茅山贈梁尊師

雲一作雪尾何年客青山白日長種花春掃雪看錄夜
焚香上象臺中閣平生夢裏忙幸承仙籍後乞取一作
與大還方

傷馮秀才

旅葬不可問茫茫西壠頭水雲一作煙青草濕山月白
楊愁一作秋琴信有時罷劍傷無處留淮南舊煙月孤
棹更逢秋一作淮南今夜月孤棹倚西樓

許文下

三十一

送鄭寂上人南行

儒家有釋子年少學支公心出是非外跡辭榮辱中錫
寒素嶺月盃急楚江風唯怨故園思小秋梨葉紅

贈王處士

歸卧養天真鹿裘烏角巾茂陵閑久病彭澤醉長貧冠
蓋西園夜笙歌北里春誰憐清渭曲一作上又老釣魚人

送友人歸荆楚

調瑟勸離酒苦諳荆楚門竹班悲帝女草綠怨王孫
落九疑迥雨連三峽昏同來不同去迢遞更傷魂

許用晦文集卷第二

括蒼葉氏本增多十七篇

聞薛先輩陪大夫看早梅因寄一篇題灞西路
隱居第二一篇送從兄歸隱藍溪第二一篇旅
夜懷遠客一篇秋夜擢舟訪李隱居一篇卧病
寄諸君一篇苦雨一篇寓崇聖寺懷李校書一
篇秋日行次關西一篇酬那堯藩一篇旅中別
姪暉一篇山居冬夜喜魏扶見訪一篇喜李訓
秀才見訪一篇晚投慈恩寺寄後上人一篇行
次虎頭巖酬寄路大夫一篇南陵留別段氏兄
弟一篇送荔浦蔣明府赴任一篇皆五言也

右許郢州詩按渾自叙本三卷凡五百篇今世傳止兩
卷上卷七言一百八十篇下卷五言一百九十六篇求

許集總錄

訪二十年得白沙沈氏本增多三十七篇

吳門送振武李從事七言一篇送薛秀才南遊
七言一篇夜歸孤山寺寄盧郎中七言一篇贈
桐廬房明府先輩七言一篇贈閑師七言一篇
東遊留別李叢秀才七言一篇湘南徐夷府余
之南隣久不還家因題林館七言一篇送沈卓
少府任江都七言一篇客至七言一篇送段覺
之西蜀結婚七言一篇長度寺遇常州沈秀才
七言一篇西河送客歸江南七言一篇東陵赴
京道病東歸寓居開元寺寄盧員外宋魏二先
輩七言一篇聞開江宋相公申錫下世七言二
篇贈所知七言一篇謝人贈鞭七言一篇贈雲

際寺敬上人一篇客有卜居不遂薄泚龍因題
一絕宿威宜觀一篇謝亭送客一篇陳宮怨一
篇皆七言絕句也寄小弟五言一篇秋日五言
一篇征西舊卒五言一篇石池五言一篇贈裴
處士五言一篇貽遷客五言一篇留題李侍御
書齋五言一篇行次白沙館先寄王侍御五言
一篇重哭楊攀處士五言一篇紫藤五言一篇
宿東嶺山瀨五言一篇松江懷古五言一篇深
春五言一篇江上醮別五言一篇贈僧五言一篇
得京口沈氏本增多五篇

經李給事舊居七言一篇送張厚淵東修謁七
言一篇卜居招書侶五言一篇寓居崇聖寺送
總錄 二

客南歸一篇聞歌一篇皆五言絕句也
得華亭曾氏本增多六篇

竹林寺別友人七言一篇送武處士歸章洪山
居七言一篇題義女亭七言一篇夜泛松江一
篇七言絕句也西山草堂五言一篇贈隱者五
言一篇

擬五集增多十一篇

殘雪七言一篇早秋寄劉尚書七言一篇及弟
後春情七言一篇歸長安路經三峽聞猿七言
一篇奉命和後池十韻五言一篇看雪五言一
篇下第歸蒲城墅居五言一篇鷺鷥五言一篇
再哭楊攀五言一篇早秋五言一篇途中寒食

五言一篇

天竺集增多一篇

舟次武陵寄天竺僧五言一篇

本事集增多一篇記夢七言絕句

總四百五十四篇諸集增多辭格多不類前得兩卷者亦往往已見於趙渭南詩中姑兩存之此本本杞人萊氏書當繕寫以歸之政和辛卯吳門昇平地弟水軒方四手校

感調二十四首

慨歎三十三首

遊覽四十四首

閑適二十一首

燕集十六首

羈旅四十四首

懷寄六十首

紀贈五十三首

酬和二十六首

送別八十七首

寓情十六首

交傷二十一首

許集總錄

三

雜賦十八首

己上四百五十四篇

許用晦文集總錄畢

許邛州詩拾遺

聞薛先輩陪大夫看早梅因寄

澗梅寒正發莫信笛中吹素豔雪凝樹清香風滿枝折
驚山鳥散攜任野蜂隨今日從公醉何人倒接籬

題灞西駱隱居二首

磻谿連灞水商嶺接秦山青漢不回駕白雲空掩關雀
喧知鶴靜鳧戲覺鷗閑却笑南昌尉悠悠城市間

右一

志凌三蜀客心愛五湖人棄世酒中老謀生書外貧
眠花掃石搨燒藥轉溪輪往往乘黃特鹿裘烏角巾

右二

旅夜懷遠客

許文拾遺詩

異鄉多遠情夢斷落江城病起慙書僻貧來負酒名
過春花自落竟曉月空明獨此一長嘯故人天際行

秋夜擢舟訪李隱居

望月憶坡衿長溪柳半陰高齋初釀酒孤棹遠携琴
犬吠秋山迥鷄鳴曉樹深開門更歌枕誰識野人心

卧病寄諸公

飛蓋集蘭堂清歌迤酒觴高城榆柳陰虛閣芟荷香
海月秋偏靜山風夜更涼自憐書萬卷扶病對螢光

苦雨

山昏天半晴南陌絕人行葭茨連雲色於松共雨聲
早秋仍燕舞深夜更鼃鳴爲報迷津客訛言未可輕

寓崇聖寺懷李校書

幾日卧南亭捲簾秋月清河關初罷夢池閣更含情寒
露潤金井高風飄玉笋前年共游客刀筆事戎旌

秋日行次關西

金風蕩天地關西群木凋早霜鷄喔喔殘月馬蕭蕭紫
陌秦山近青楓楚樹遙還同長御志題字蒲河橋

酬殷堯藩

相知愧許詢寥落句溪濱竹馬兒猶小荆釵婦慣貧獨
愁憂過日多病不如人莫恠青袍選長安隱舊春

旅中別姪暉

相見又南戎中霄淚滿襟旅遊知世薄貧別覺情深歌
管一樽酒山川萬里心此心多在路休誦異鄉吟

山居東夜喜魏扶見訪因贈

許文拾遺詩

二

壯風露葉下遠思獨徘徊夜久草堂靜月明山客來遣
貧相勸酒憶字共書灰何事清平世干名待有媒

喜李翊秀才見訪因贈

浙南分首日誰謂別經時路遠勞相訪家貧喜見知不
須辭小酌更請續新詩但得心中劍酬恩會有期

晚投慈恩寺呈俊上人

雙屐瀉一川十里絕人煙古廟陰風地寒鍾暮雨天沙
虛留虎跡水滑帶龍涎不及曹谿侶空林已夜禪

行次虎頭巖酬寄路中丞

樟亭去已遠更上虎頭巖灘急水移棹山回空滿帆石
梯迎雨滑沙井落潮醜何以慰行旅劉公書一緘

南陵留別段兄弟

不知身老大猶似舊時狂爲酒遊山縣留詩過一依邊草
堂歸期春未盡離恨日偏長更羨君兄弟參差鴈一行

送荔浦蔣明府赴任

路長春欲盡歌怨酒初酣白社蓮宮北青袍桂水南驛
行盤鳥道船宿避龍潭真得詩人趣煙霞處處諳

許用晦拾遺詩畢

許文拾遺詩

三



許用晦拾遺篇

西河送客歸江南

西河陳事已堪傷
南客秋歸路更長
臺畔偃松悲魏帝
苑邊脩竹弔梁王
雨行露變茱萸色
水宿風搖菡萏香
遙羨落帆逢舊友
綠蛾青鬢醉橫塘

東陵赴京道病東歸
寓居開元寺寄盧負外
宋魏二先輩

西風吹雨鴈飛初
病寄僧齋罷獻書
萬里盛衰勞我馬
四隣杉桂憶吾廬
滄洲有釣心還靜
青漢無媒跡自踈
不是醉眠愁不散
莫言琴酒學相如

聞開江宋相公申錫下世二首

權門陰奏奪移才
駘騎如星墮峽來
鼉氏有恩忘作禍

許文若遺

一

賈生無罪直爲災
身魂誤向崇山歿
冤氣疑從汨水來
必竟功成何處是
五湖雲月一帆開

右一

月落湘潭棹不喧
玉杯瑤瑟奠蘋蘩
誰能力制乘軒鶴
自取機沈在檻猿
位極乾坤三事貴
謗興華夏一夫冤
宵衣旰食明天子
日伏青蒲不敢言

右二

贈所知

因釣鱸魚住泚河
挂帆千里亦相過
茅簷夜醉平階月
蘭棹春歸拍岸波
湖白似陰鼉鼓響
海雲纔起蜃樓多
明時又作閑居賦
誰薦東門策四科

謝人贈鞭

獨國名鞭見惠稀駑駘從此長光輝獨根擁腫來雲岫
紫陌提攜在繡衣幾度拂花香裏過也曾敲磬月中歸
莫言三尺長無用十萬軍中要指揮

殘雪

憶昨新春霰雪飛堦前簷上聞寒姿狂風送在竹深處
隔日未銷花發時輕壓嫩疎旁出土冷衝幽鳥別尋枝
晚來又喜登樓見一曲高歌和者誰

早秋寄劉尚書

天生心識富人侯將相門中第一流旗纛早開擒虎帳
戈鋌初發斬鯨舟柳營書号海山頭茵閣賦詩江樹秋
昨夜雨涼今夜月笙歌應醉最高樓

及第後春情

詩文拾遺

夕

世間得意是春風散誕經過觸處通細搖柳臉牽長帶
慢撼桃株舞碎紅也從吹幌驚殘夢何處聽香別故叢
猶笑西都名下客今年二月始相逢

歸長安

三年何處淚沈瀾白帝城邊曉角殘非是無心戀巫峽
自緣長臂到長灘黔江水暖還曾飲楚岫雲深未識寒
大抵莫教聞雨後此時腸斷不應難

夜泛松江

清露白雲明月天與君齊棹木蘭船南湖風雨一相失
夜泊橫心渺然

記夢

并序

余嘗夢登山有宮室凌雲人云此崑崙也既入見數人

方欲招之至暮而罷因賦是詩以記焉
曉入瑤臺露氣清座中唯有許飛瓊塵心未盡俗緣在
十里下山空月明

寄雲際寺敬上人

萬山秋雨水縈回紅葉多從紫閣來雲冷竹齋禪衲薄
已應飛錫入天台

客有卜居不遂薄遊汧隴因題

海燕西飛白日斜天門遙望五侯家樓臺深鎖無人到
落盡東風第一花

宿咸宜觀

羽袖飄飄香夜風翠幢歸殿玉壇空步虛聲盡天未曉
雲壓桃花月滿宮

許文拾遺

三

謝亭送客

勞歌一曲解行舟紅樹青山水急流日暮酒醒人已遠
滿天風雨下西樓

陳宮怨

風暖江頭一作城白日遲昔人遺事後人悲草生宮闕
國無主玉樹後庭花爲誰

卜居招書侶

意壯未知道臨川每羨魚世途行處見人事病來踈微
雨初栽竹孤燈夜讀書憐君亦同志晚歲傍山居

寓居崇聖寺送客南歸

野寺薜蘿晚官渠楊柳春歸心已無限更送洞庭人
聞歌

新秋弦管清時轉，渴雲敲曲盡不知。處月高風滿城。

西山草堂

何處少人事，西山舊草堂。曬書秋日晚，洗藥石泉香。後嶺有朝雨，北窓生夜涼。徒勞問歸去，峯疊遠家鄉。

贈隱者

回報隱名士，莫愁山興闌。求人顏色盡，知道性情寬。信緒彈琴誤，沾崖擲藥難。東臯亦自給，殊媿遠相安。

舟次武林寄天竺僧無晝

谿長山幾重，千里萬株松。秋日下丹檻，暮雲歸碧峯。樹栖新放鶴，潭隱舊降龍。還在孤舟宿，卧聞初夜鍾。

寄小弟

江城紅葉盡，旅思復悽傷。孤夢家山遠，獨眠秋夜長。道

非文於道

四

存空倚命身，賤未歸鄉南。望空垂淚天，邊鴈一行。

秋旦

有計自安業，秋風罷苦吟。買山兼種竹，對客更彈琴。煙起藥厨晚，杵敲松院深。閑眠得真性，惆悵舊時心。

征西舊卒

少年乘勇氣，百戰過烏孫。力盡邊城難，功添上將恩。曉風聽戍角，殘月倚營門。自說輕生處，金瘡有舊痕。

石池

通竹引泉眠，泓澄漱石盆。驚魚翻藻葉，浴鳥上松根。殘月留一作斜，日回山影高。風耗水痕誰，家秋洗藥來。往

自開一作開門

贈裴處士

爲儒白髮生鄉里早聞名暖酒雪初下讀書山未一作欲
明字形翻鳥跡詩調合獲殿門外滄浪水知君欲濯纓
貽遷客

無機還得罪直道不傷情微雨昏山色疎籠閉鶴殿閑
居多野客高枕見江城門外長溪水憐君又濯纓

留題李侍御書齋

曾話平生志高齋幾見留道孤心易感恩重力難酬獨
立千峯曉頻來一葉秋鷄鳴應有處不覺淚空流一作
潛流

行次白沙先寄王侍御

夜程何處宿山疊樹層層孤館閉秋雨空堂停曙燈歌
慙魚浦客詩學鴈門僧此去無人識明朝見李膺侍御

許文拾遺

五

嘗任河南少尹

重哭楊攀處士二首自號綠雲翁

綠雲多學古黃髮竟無成酒縱山中性詩留海上名讀
書新樹老垂釣舊磯平今日悲前事西風哭一聲一作
聞哭聲

右一

從官任直道幾處脫長裾歿後兒猶小葬來人漸踈陞
家一作翁占池館門一作長吏覓圖書身賤難相報平
生恨有餘一作無復前秋事西齋賦子虛

右二

紫藤

綠蘿紫數匝本在草堂間秋色寄高樹晝陰籠遠一作

舊山移花踈處種
鄮藥因時攀
日暮微風起
難尋舊白徑
一作路還

宿東橫山瀨

孤舟路漸賒
時見碧桃花
谿雨灘聲急
巖風樹勢斜
獼猴懸窮蔓
鷓鴣睡橫槎
漫向仙林宿
無人識阮家

松江懷古

故國今何在
扁舟竟不歸
雲移山漠漠
江闊樹依依
晚色千帆落
秋聲一鴈飛
此時兼送客
凭檻欲沾衣

深春

或作悲 擬詩

故里千帆

一作山

外深春

一鴈飛于名頻慟哭

一作謀

身堪自哭

將老欲何歸
未報拋還憶
交親晚更

一作見

稀空持

一作餘

望鄉淚沾灑
寄求衣

許文拾遺

六

江上燕別

或作趙 擬詩

雲物如故鄉
山川異歧路
年來未歸客
馬上欲春暮
一樽花下酒
殘日水西樹
不待管弦終
搖鞭背花去

贈僧

或作趙 擬詩

心法本無住
流沙歸復來
錫隨山鳥動
經附海船回
洗足柳遮寺
坐禪花委苔
唯將一童子
又欲向天台

看雪

松亞竹珊珊
心知萬井歡
山明迷舊徑
谿滿漲新瀾
客醉瑤臺曙
兵防玉塞寒
紅樓知有酒
誰肯學袁安

奉命和後池十韻

疊石通溪水
涼波失舊規
芳洲還屈曲
朱閣更逶迤
浴鳥翻荷葉
驚蟬出柳絲
翠煙秋檜聳
紅露曉蓮披
攀檻

登樓近停撓待客遲野橋從浪沒輕舸信風移竹韻遷
其肩松寒迤酒危性閑鷗日識心遠鶴先知英想素人
會休懷越相祠當期穆天子蕭鼓醜瑤池

下第歸蒲城墅居

失意歸三徑傷春別九門薄煙楊葉路微雨杏花村牧
豎還呼犢隣翁亦抱孫不知余正苦迎馬問寒溫

重賦鷺鷥

何年去此地

一作如何長在楚南浦

浦是鱗雲漢知心

遠林塘覺思孤低飛下晚樹獨睡

一作宿映秋浦為爾

多歸興前年在

一作別五湖

途中寒食

山又院山官書

處處哭聲悲行人馬亦遲宿閑無火日村暖研桑時江

路同楊子燒山憶予推清明明日是甘負故園期

許用晦拾遺篇畢



圖書在版編目(CIP)數據

許用晦文集/[唐]許渾撰.—北京:北京圖書館出版社,2003.12

(中華再造善本)

ISBN 7-5013-2352-6

I.許… II.許… III.唐詩—選集 IV.I222.742

中國版本圖書館CIP數據核字(2003)第110651號

ISBN 7-5013-2352-6



9 787501 323524 >

書名 許用晦文集
著者 [唐]許渾 撰

出版 北京圖書館出版社(100034 北京市西城區文津街七號)

發行 Tel:(010)66151313 Fax:(010)66174391

E-mail:Blstxb@publicf.nlc.gov.cn

Website:www.nlcpress.com

印刷 金壇市古籍印刷廠

開本 八

印張 二二·七五

版次 二〇〇三年十二月第一版第一次印刷

印數 一—二〇〇〇

書號 ISBN 7-5013-2352-6 / K·745

定價 七三〇圓

